

四庫全書薈要

• 乾隆御覽本

史部

欽定四庫全書薈要

史部

資治通鑑卷二百二十三

詳校官編修臣汪鏞



資治通鑑卷二百二十三 宋 司馬光 撰

胡三省 音註



唐紀三十九

起昭陽單開七月盡梅蒙大荒落十月凡二年有奇

代宗睿文孝武皇帝上之下

廣德元年秋七月壬寅羣臣上尊號曰寶應元聖

文武孝皇帝

以楚州所獻十三寶為上登極之符應也上時掌翻

壬子赦天

下改元

方改元廣德

諸將討史朝義者進官階加爵邑

有差

將即亮翻

冊回紇可汗為頡咄登蜜施合俱錄英

義建功咄伽可汗可敦為娑墨先親麗華咄伽可

敦

頡咄華言社稷發用登蜜施華言到竟合俱錄華言娑羅娑墨華言得憐咄伽華言足意智紇

下沒翻可從刊入聲汗音寒頡奚結

左右殺以下

翻咄當沒翻伽求迦翻娑蘇何翻

皆加封賞

左殺封雄朔王右殺封寧朔王胡祿都督封金河王拔覽將軍封靜漠王諸都

督十一人並封國公

戊辰楊綰上貢舉條自秀才問經義

二十條對策五道國子監舉人令博士薦於祭酒

祭酒試通者升之於省如鄉貢法

令力丁翻唐取士之科由學館日生



徒由州縣者曰鄉貢凡明經秀才俊士進士明於理體為鄉里稱者縣考試州長重覆送之尚書省既至省皆疏名列到結款通保及所居始由戶部集閱而關於禮部試之今楊綰所上國子監舉人略如鄉貢法

明法委刑部考試

明法律學也

或以為明經進士行之已久不

可遽改事雖不行識者是之以僕固瑒為朔方行營

節度使吐蕃入大震關陷蘭廓河鄯洮岷秦成渭等

州盡取河西隴右之地

蘭廓秦渭等州即河西隴右之地先以為吐蕃所陷史因其入

大震關而備言之蘭州漢金城郡隋置蘭州因皋蘭山為名廓州漢西平郡南界前涼以其地為湟河郡後魏置石城郡周建德五年取河南地置廓州取廓清之義為名河州漢枹罕縣前涼張駿分置河州鄯州漢破羌

允吾縣地唐平薛舉置鄯州洮州治漢洮陽城周保定  
初置岷州秦臨洮縣地後魏大統十年置岷州以南有  
岷山名秦州治成紀顯親川因魏晉舊州名成州古西  
戎地後千畝姜戎氏居之又後為白馬氏國漢為武都  
郡晉為仇池郡後魏改為南秦州西  
魏改成州渭州治漢襄武縣後魏置

唐自武德以來開

拓邊境地連西域皆置都督府州縣開元中置朔方隴

右河西安西北庭諸節度使以統之歲發山東丁壯為

戍卒繒帛為軍資開屯田供糗糧

繒慈陵翻  
糗去久翻

設監牧畜

馬牛軍城戍邏萬里相望

畜吁玉翻  
邏郎佐翻

及安祿山反邊兵

精銳者皆徵發入援謂之行營所留兵單弱邊番稍蠶

食之數年間西北數十州相繼淪沒自鳳翔以西邠州

以北皆為左袵矣

史言唐所以失河隴

初僕固懷恩受詔與回

紇可汗相見於太原河東節度使辛雲京以可汗乃懷

恩壻恐其合謀襲軍府閉城自守亦不犒師

使疏吏翻犒苦到翻

及史朝義既平詔懷恩送可汗出塞往來過太原

朝直遙翻

過古禾翻又古卧翻

雲京亦閉城不與相聞懷恩怒具表其狀不

報懷恩將朔方兵數萬屯汾州使其子御史大夫瑒將

萬人屯榆次裨將李光逸等屯祈縣

將即亮翻下裨將同又音如字裨彼

迷翻榆次祈皆李懷光等屯晉州張維嶽等屯沁州

沁

漢古縣屬太原浸翻考異曰邠志作懷光本勃海靺鞨也靺鞨音張如岳今從實錄唐歷末曷姓

茹茹音為朔方將以功賜姓中使駱奉仙至太原雲京

厚結之為言懷恩與回紇連謀反狀已露使疏吏翻奉

仙還過懷恩懷恩與飲於母前母數讓奉仙曰還音旋

字數所汝與吾兒約為兄弟今又親雲京何兩面也唐

角翻

謂反覆者為兩面貞元以後劍南西山白狗等羌內附賜牛糧治生業差賜官祿皆得世襲然陰附吐蕃世謂之兩面羌酒酣懷恩起舞奉仙贈以纏頭綵唐人宴集此其證也酒酣為人

每當此禮者以綵物為贈謂之纏頭倡伎當筵舞者亦有纏頭喝賜杜甫詩所謂舞罷錦纏頭者也酬戶甘翻

懷恩欲酬之曰來日端午當更樂飲一日

樂音洛

奉仙固

請行懷恩匿其馬奉仙謂左右曰朝來責我又匿我馬將殺我也夜踰垣而走懷恩驚遽以其馬追還之八月

癸未奉仙至長安奏懷恩謀反

考異曰實錄癸未懷恩旋師次于汾州逗遛

不進監軍使駱奉仙以聞上以功高不之罪優詔慰勞之又曰懷恩頓軍汾上監軍使駱奉仙因公宴言有所指懷恩已萌二心肆口酬對奉仙不告而出乘傳上聞上以功高容之叱奉仙出待懷恩如舊懷恩憚奉仙益不自安邠志曰寶應二年河朔既平詔太原節度辛雲京及僕固懷恩各以其軍送回紇還蕃既出晉關辛公

率其輕兵先入太原懷恩怒其不告曰辛君有虞於我也同紇至辛公館於城外致牛酒以犒之懷恩欲因回紇規其城壁陰導回紇請觀佛寺辛公許之既入城見羅兵於諸街蕃人大驚辟易而去今從舊懷恩傳懷恩亦具奏其狀請誅雲京奉仙上兩無所問優詔和解之懷恩自以兵興以來

謂自祿山反朔方起兵討之以至平賊時也

所在力

戰一門死王事者四十六人女嫁絕域

謂嫁回紇可汗也

說諭

回紇

說式芮翻紇下沒翻

再收兩京平定河南北功無與比而為

人構陷憤怨殊深上書自訟以為臣昨奉詔送可汗歸

國傾竭家資俾之上道行至山北

上時兩翻可從列入聲汗音寒懷恩屯汾

州謂太原之  
地為山北

雲京奉仙閉城不出祇迎仍令潛行竊盜

回紇怨怒亟欲縱兵臣力為彌縫方得出塞雲京奉仙

恐臣先有奏論遂復妄稱設備

令力丁翻為于偽翻復扶又翻下並同

與

李抱玉共相組織臣靜而思之其罪有六昔同羅叛亂

臣為先帝掃清河曲一也臣男玢為同羅所虜得間亡

歸臣斬之以令衆士二也

二事並見二百十八卷肅宗至德元載玢悲巾翻間古覓

翻臣有二女遠嫁外夷為國和親蕩平寇敵三也臣與

男瑒不顧死亡為國効命四也河北新附節度使

謂田承嗣

李寶臣李懷仙等

皆握疆兵臣撫綏以安反側五也臣說諭回

紇使赴急難天下既平送之歸國六也

說式芮翻

臣既

負六罪誠合萬誅惟當吞恨九泉銜冤千古復何訴哉

臣受恩深重夙夜思奉天顏

言欲入朝也

但以來璵受誅

璵

甸翻事見

上卷正月

朝廷不示其罪諸道節度誰不疑懼近聞詔

追數人

唐人率謂召為追觀考異所引諸家雜史可見

盡皆不至實畏中官讒

口虛受陛下誅夷豈惟羣臣不忠正為回邪在側

當時君臣

情事誠如懷恩之言

且臣前後所奏駱奉仙詞情非不摭實

摭之石翻



陛下竟無處置

處昌呂翻

寵任彌深皆由同類比周

比此至翻

蒙

蔽聖聽竊聞四方遣人奏事陛下皆云與驃騎議之

驃驃

謂程元振也驃區妙翻騎奇奇翻

曾不委宰相可否或稽留數月不還

遠近益加疑阻

代宗省懷恩書至此豈不為之動心邪曾才登翻

如臣朔方將

士功效最高為先帝中興主人乃陛下蒙塵故吏曾不

別加優獎反信讒嫉之詞子儀先已被猜臣今又遭詆

毀

將即亮翻被皮義翻

弓藏鳥盡信非虛言

古語云高鳥盡良弓藏狡兔死走狗烹敵

國破謀臣亡言以今事準之非虛言也

陛下信其矯誣

矯託也託言謀反以厚誣

何殊

指鹿為馬

引趙高事以況諸閹

儻不納愚懇且貴因循臣實不敢

保家陛下豈能安國

懷恩心跡於此可見

忠言利行

忠言逆耳利於行古語也

惟陛下圖之臣欲公然入朝

朝直遙翻下同

恐將士留沮今託

巡晉絳於彼遷延乞陛下特遣一介至絳州問臣臣即

與之同發九月壬戌上遣裴遵慶詣懷恩諭旨且察其

去就懷恩見遵慶抱其足號泣訴冤

號戶刀翻

遵慶為言聖

恩優厚諷令入朝懷恩許諾副將范志誠以為不可曰

公信其甘言入則為來瑱不復還矣明日懷恩見遵慶

以懼死為辭請令一子入朝志誠又以為不可遵慶乃

還還音旋又御史大夫王翊使回紇還懷恩先與可汗

如字下同

往來恐翊洩其事遂留之吐蕃之入寇也邊將告急

程元振皆不以聞冬十月吐蕃寇涇州刺史高暉以城

降之遂為之鄉導

降戶江翻鄉讀曰喬家傳八月吐蕃次涇寧州遣感激軍

使高暉禦之戰敗執暉九月至使橋實錄十月庚午吐

蕃寇涇州辛未犯奉天武功按今邠州東去涇州三程

邠州南去奉天二程不應庚午寇邠州辛未已至奉天

盖史官據奏到日書之耳段公家傳九月二十日吐蕃

寇涇原節度使高暉降之十一月一日陷邠州節度使

張蘊琦棄城遁舊本紀九月己丑吐蕃寇涇州刺史高

暉以城降因為吐蕃鄉導十月辛未犯京畿新本紀九月乙丑涇州刺史高暉叛附於吐蕃十月庚午吐蕃陷邠州辛未寇奉天武功今引吐蕃深入過邠州上始聞月從實錄而不取其日

之辛未寇奉天武功京師震駭詔以雍王适為關內元帥郭子儀為副元帥出鎮咸陽以禦之子儀閑廢日久實應元年八月郭子儀自河東入朝遂留京師部曲離散至是召募得二十騎

而行至咸陽吐蕃帥吐谷渾党項氏羌二十餘萬衆彌

漫數十里已自司竹園度渭

鳳翔府盩厔縣有司竹園漢書王莽傳所謂霍鴻負

倚芒竹即此地也蘇軾曰盩厔有官竹園臨水數十里不絕所謂司竹也

循山而東子儀使

判官中書舍人王延昌入奏請益兵程元振過之竟不

召見

見賢通翻

癸酉渭北行營兵馬使呂月將將精卒二千

破吐蕃於盤屋之西

將將上如字下即亮翻

乙亥吐蕃寇盤屋月

將復與力戰兵盡為虜所擒

復扶又翻

上方治兵

治直之翻

而吐

蕃已度便橋倉猝不知所為丙子出幸陝州

陝失冉翻

官吏

藏竄六軍逃散郭子儀聞之遽自咸陽歸長安比至

必比

利翻

車駕已去上纔出苑門度澁水

按唐禁苑包大明宮之北東距澁水

考雍錄長安志諸書禁苑東面出澁水無其門蓋出光泰門耳

射生將王獻忠擁四百

騎叛還長安

將即亮翻  
騎奇寄翻

脅豐王珙等十王西迎吐蕃

珙

宗子音  
居勇翻

遇子儀於開遠門內

開遠門長安城西  
西北頭第一門

子儀叱

之獻忠下馬謂子儀曰今主上東遷社稷無主令公身

為元帥

郭子儀為中書  
令故稱為令公

廢立在一言耳子儀未應珙越

次言曰公何不言子儀責讓之以兵援送行在丁丑車

駕至華州官吏奔散無復供擬

復扶  
又翻

扈從將士不免凍

餒會觀軍容使魚朝恩將神策軍自陝來迎上乃幸朝

恩營

從才用翻將即亮翻使疏吏翻朝  
直送翻恩將音同上陝失冉翻

豐王珙見上於

潼關上不之責退至幕中有不遜語羣臣奏請誅之乃

賜死戊寅吐蕃入長安高暉與吐蕃大將馬重英等立

故邠王守禮之孫承宏為帝

珙居勇翻吐從暉入聲重直龍翻邠直頻翻邠王守

禮章懷太子之子

改元置百官以前翰林學士于可封等為相

吐蕃剽掠府庫市里焚閭舍長安中蕭然一空

相息亮翻剽匹

妙翻下同

苗晉卿病臥家遣人與入迫脅之晉卿閉口不言

虜不敢殺於是六軍散者所在剽掠士民避亂皆入山

谷辛巳上至陝百官稍有至者郭子儀引三十騎自御

宿川循山而東

騎奇計翻三輔黃圖曰御宿川在長安城南漢武帝為離宮別館禁禦人不得

往來游觀上宿其中故曰御宿程大昌曰御宿川即樊川在萬年縣南二十五里謂王延昌曰

六軍將士逃潰者多在商州今速往收之

商州治上洛縣至京師二

百八十一里并發武關防兵數日間北出藍田以向長安吐

蕃必遁過藍田遇元帥都虞候臧希讓鳳翔節度使高

昇得兵近千人

武關在商州西北雍州藍田縣南吐從賊入聲過古禾翻又古臥翻使疏吏翻

近其子儀與延昌謀曰潰兵至商州官吏必逃匿而人

新翻亂使延昌自直徑入商州撫諭之諸將方縱兵暴掠聞



子儀至皆大喜聽命

將即亮翻

子儀恐吐蕃逼乘輿留軍七

盤

杜佑曰七盤即王莽所謂繞雷之固南當荆楚者也繞雷者言四面塞阨屈曲水回繞而雷今謂之七盤

十二緝乘承正翻吐從曦入聲

三日乃行比至商州

比必利翻

行收兵并武

關防兵合四千人軍勢稍振子儀乃泣諭將士以共雪

國恥取長安皆感激受約束子儀請太子賓客第五琦

為糧料使給軍食

將即亮翻糧料使主給行營軍食我宋朝隨軍轉運使即其任

上賜

子儀詔恐吐蕃東出潼關徵子儀詣行在子儀表稱臣不收京城無以見陛下若出兵藍田虜必不敢東向上

許之廊延節度判官段秀實說節度使白孝德引兵赴

難

上元元年置渭北廊坊節度使領廊坊丹延四州治坊州吐從瞰入聲潼音同說式芮翻難乃且翻

孝

德即日大舉南趣京畿

李嗣業自西域赴難於至德之初白孝德自廊坊赴廣德之難

皆段秀實發之其忠義蓋天性也

與蒲陝商華合勢進擊

陝失冉翻華戶化翻

吐

蕃既立廣武王承宏欲掠城中士女百工整衆歸國子

儀使左羽林大將軍長孫全緒將二百騎出藍田觀虜

勢令第五琦攝京兆尹與之偕行又令寶應軍使張知

節將兵繼之

長知兩翻將即亮翻又音如字騎奇計翻令力丁翻琦音奇上以射生軍入禁中清

難賜名寶應功臣故射生軍亦號寶應軍

全緒至韓公堆晝則擊鼓張旗幟

夜則多然火以疑吐蕃前光祿卿殷仲卿聚衆近千人

保藍田與全緒相表裏帥二百餘騎直度滻水

近其靳  
翻帥讀

曰率滻  
音產

吐蕃懼百姓又給之曰郭令公自商州將大軍

不知其數至矣

給湯亥翻將即  
亮翻又音如字

虜以為然稍稍引軍去

全緒又使射生將王甫入城陰結少年數百夜擊鼓大

呼於朱雀街

將即亮翻少始照翻呼火故翻唐太極宮  
正南出朱雀門自朱雀門南出至明德門

皆名朱  
雀街

吐蕃惶駭庚寅悉衆遁去

考異曰舊吐蕃傳  
日子儀帥部曲數百

人及其妻子僕從南入牛心谷駢馬車牛數百兩子儀遲留未知所適行軍判官中書舍人王延昌監察御史李萼謂子儀曰令公身為元帥主上蒙塵於外今吐蕃之勢日逼豈可懷安於谷中何不南趣商州漸赴行在子儀遽從之延昌曰吐蕃知令公南行必分兵來逼若當大路事即危矣不如取王山路而去出其不意子儀又從之子儀之隊千餘人山谷東隘連延百餘里人不得馳延昌與萼恐狹徑被追前後不相救至倒迴口遂與子儀別行踰絕澗登七盤趨于商州先是六軍將張知節與麾下數百人自京城奔于商州大掠避難朝官士庶及居人資財已有日矣延昌與萼既至說知節曰將軍身掌禁兵軍敗而不赴行在又恣其下虜掠何所歸乎今郭令公元帥也已欲至洛南將軍若整頓士卒諭以禍福請令公來撫之圖收長安此則將軍非常之功也知節大悅其時諸軍咸希讓高昇彭體盈李惟誅等數人各有部曲家兵數十騎相次而至又從其計皆

相率為軍約不侵暴延昌留於軍中主約萼以數騎往迎子儀去洛南十餘里及之遂與子儀迴至商州諸將大喜皆遵其約束吐蕃將入京師也前光祿卿殷仲卿逃難而出至藍田糾合敗兵及諸驍勇願從者百餘人南保藍田以拒吐蕃其衆漸振至於千人子儀既至商州募人往探賊勢羽林將軍長孫全緒請行全緒至韓公堆仲卿得官軍其勢益壯遂相為表裡仲卿率二百餘騎遊奕直渡滻水吐蕃懼問百姓百姓皆紿之曰郭令公大軍不知其數賊以為然遂抽軍而還汾陽家傳曰公以三十騎循御宿川略山而東公西望國門涕不自勝謂延昌曰為舍人計何以復國延昌歔歔不能對公謂曰料諸將散卒必逃商於若速行收合散卒兼武關兵數日之內却出藍田設疑兵為旆屯於韓公堆吐蕃必懼我而退乃相與速驅之過藍田公與延昌議曰散兵至商州必官吏不守則兵亂而人潰使延昌間道中宿至商州果如所議延昌以公之言巡撫之亂乃止

潰乃復  
今從之

高暉聞之帥麾下三百餘騎東走至潼關守將

李日越擒而殺之

帥讀曰率將即亮翻下同  
新魚朝恩傳曰朝恩遣劉德信討斬

考異曰

之今從  
實錄

壬辰詔以元載判元帥行軍司馬以第五琦為

京兆尹癸巳以郭子儀為西京留守甲午子儀發商州

已亥以魚朝恩部將皇甫溫為陝州刺史周智光為華

州刺史

為周智光以華  
州跋扈張本

驃騎大將軍判元帥行軍司

馬程元振專權自恣人畏之甚於李輔國諸將有大功

者元振皆忌嫉欲害之吐蕃入寇元振不以時奏致上

狼狽出幸上發詔徵諸道兵李光弼等皆忌元振居中

莫有至者中外咸切齒而莫敢發言太常博士柳伋上

疏

伋苦浪翻

以為犬戎犯關度隴不血刃而入京師劫宮闈

焚陵寢武士無一人力戰者此將帥叛陛下也陛下疏

元功委近習

疏與疎同

日引月長以成大禍羣臣在廷無一

人犯顏回慮者此公卿叛陛下也陛下始出都百姓填

然奪府庫相殺戮此三輔叛陛下也自十月朔召諸道

兵盡四十日無隻輪入關此四方叛陛下也內外離叛

陛下以今日之勢為安邪危邪若以為危豈得高枕

枕職

任不為天下討罪人乎

為子偽翻

臣聞良醫療疾當病飲藥

藥不當病猶無益也陛下視今日之病何繇至此乎必

欲存宗廟社稷獨斬元振首馳告天下悉出內使隸諸

州言悉出諸宦官隸諸州羈管也時持神策兵付大臣

宦官皆為內諸司使故曰內使

時魚朝恩然後削尊號下詔引咎曰天下其許朕自新

領神策軍

改過宜即募士西赴朝廷若以朕惡不悛悛丑則帝王

緣翻

大器敢妨聖賢其聽天下所往如此而兵不至人不感



天下不服臣請闔門寸斬以謝陛下上以元振嘗有保

護功

保護事見上  
表寶應元年

十一月辛丑削元振官爵放歸田里

王甫自稱京兆尹聚衆二千餘人署置官屬暴橫長

安中

橫戶  
孟翻

壬寅郭子儀至漚水西

郭子儀至漚水西則  
已度漚水近京城矣

甫按兵不出或謂子儀城不可入子儀不聽引三十騎

徐進使人傳呼召甫甫失據出迎拜伏子儀斬之

異曰考

實錄云有武將王甫等誘長安惡少數百人集六街鼓  
於朱雀街大鼓之吐蕃聞之震懼乘夜而遁汾陽家傳  
曰射生將王撫猛而多力自稱御史大夫領五百騎二  
千步卒兼補官屬以謀作亂甲午公發商州冬十一月

壬寅公次漚水之右王撫知公之來也於城中堅列行陣戈矛若林指揮其間按甲不出入勸公必不可入公以三十騎徐進曾不少懼令傳呼王撫撫應聲伏烏合之徒一時而潰邠志曰郭公屯商州十二月一日率諸軍五萬餘人出藍田去城百里而軍城中相傳言大軍將至西戎懼焉三日馬家小兒張小君李酒蓋射生官王甫等五百餘人夜半聚六街鼓入於子城撞擊天門街中仍分其衆建旗諸門吐蕃以為大軍夜至相率遁去小君使報郭公七日郭公全師入於京師繫小君酒蓋王甫等責之曰吾大軍未至汝設詐以畏吐蕃吐蕃知之怒汝燔燒宮闕從容而去豈不由汝乎命斬之遂以破賊收城聞舊子儀傳曰全緒遣禁軍舊將王甫入長安陰結豪俠為內應一日齊擊鼓於朱雀街蕃軍惶駭而去又曰射生將王撫自署為京兆尹聚兵二千人擾亂京城子儀召撫殺之詔子儀權京城留守吐蕃傳吐蕃餘衆尚在城軍將王撫及御史大夫王仲昇領兵

自苑中入椎鼓大呼仲卿之兵又入城吐蕃皆奔走若  
如邠志所言是子儀殺撫而攘其功計子儀必不為也  
子儀勲業今古推高凌準作書多攻其短疑有  
宿嫌不可盡信今從汾陽家傳及子儀舊傳 其兵盡

散白孝德與邠寧節度使張蘊珪將兵屯畿縣

京兆府管二十

縣萬年長安為赤  
縣餘縣皆為畿縣

子儀召之入城京畿遂安

宦官廣

州市舶使呂太一發兵作亂

唐置市舶使於廣州以收  
商舶之利時以宦者為之

舶音節度使張休棄城奔端州

舊志廣州西至端  
州二百四十里

太一

縱兵焚掠官軍討平之吐蕃還至鳳翔節度使孫志

直閉城拒守吐蕃圍之數日鎮西節度使馬璘聞車駕

幸陝將精騎千餘自河西入赴難

難乃旦翻

轉鬪至鳳翔值

吐蕃圍城璘帥衆持滿外向突入城中不解甲背城出

戰

帥讀曰率下同背蒲妹翻

單騎先士卒奮擊俘斬千計而歸明日

虜復逼城請戰

先昔薦翻俘方無翻復扶又翻

璘開懸門以待之

杜預曰懸

門施於內城門按今邊城之門設扉以啓閉而懸門者設於門闌之外常懸而不下寇至則下之以塞門以為

重閉之固

虜引退曰此將軍不惜死宜避之遂去居於原會

成渭之地

原州高平郡會州會寧郡成州同谷郡皆據河隴之勝以臨唐境

十二月

丁亥車駕發陝州

陝失冉翻

左丞顏真卿請上先謁陵廟然

後還宮元載不從真卿怒曰朝廷豈堪相公再壞邪

還從

宣翻又音如字載祖亥翻又音如字朝直遙翻相昔亮翻邪音耶壞音怪

載由是銜之甲午

上至長安郭子儀帥城中百官及諸軍迎於澹水東伏地待罪上勞之曰用卿不早故及於此

銜其銜翻勞力到翻澹音產

以魚朝恩為天下觀軍容宣慰處置使總禁兵權寵

無比

魚朝恩以陝州迎扈之勞過承權寄恩寵去程得魚所謂去地得虎也處昌呂翻使疏吏翻朝直遙

翻築城於鄠縣及中渭橋屯兵以備吐蕃以駱奉仙為

鄠縣築城使遂將其兵

鄠音戶吐從暇入聲將即亮翻又音如字

乙未以

苗晉卿為太保裴遵慶為太子少傅並罷政事以宗正

卿李峴為黃門侍郎同平章事遵慶既去元載權益盛

以貨結內侍董秀使主書卓英倩潛與往來上意所屬

主書省吏也峴戶

載必先知之承意探微

探吐南翻

言無不

典翻屬之欲翻

合上以是益愛之英倩金州人也

金州安康郡

吐蕃既去

廣武王承宏逃匿草野上赦不誅丙申放之於華州

華州

華陰郡去京師

一百八十里

程元振既得罪歸三原聞上還宮衣

婦人服

還從宣翻又音如字衣於既翻

私入長安復規任用京兆府擒

之以聞

復扶又翻規圖也  
國進取舊傳元振服縲麻於車中入京城以規

考異曰實錄如此仍云將

任用與御史大夫王仲昇飲酒為  
御史所彈今從實錄參以舊傳

吐蕃陷松維保三

州及雲山新築二城

松州交川郡以郡界有甘松嶺名  
州開元二十八年以維州之定康

置奉州雲山郡天寶八年徙治天保軍更曰天保郡是  
年沒吐蕃至乾元元年嗣歸誠王董嘉俊以郡來歸始  
更名保州又按天寶八年分定康  
置雲山縣時蓋於縣新築二城也

西川節度使高適不

能救於是劔南西山諸州亦入於吐蕃矣

使疏吏翻吐  
從瞰入聲

二年春正月壬寅勅稱程元振變服潛行將圖不軌長

流溱州上念元振之功

復念其保  
護之功也

尋復令於江陵安置

復扶又翻漆緇說反漆州治榮懿縣貞觀開山洞所置也江陵府上元置府又置南都則善地也令力丁翻

癸卯合劔南東西川為一道以黃門侍郎嚴武為節

度使

分劍南為東西川見二百二十卷肅宗至德元載考異曰舊傳武為京兆少尹以史思明阻兵不

之官出為綿州刺史遷東川節度使上皇詔兩川合為一道拜武劍南節度使新傳武為少尹坐房瑄貶巴州久之遷東川餘同舊傳按思明阻兵河洛京兆少尹何妨之官此年始合東西川為一道宣上皇詔所合新舊傳皆誤

丙午遣檢校刑部尚書顏真卿宣慰朔方行營

上之在陝也顏真卿請奉詔召僕固懷恩上不許

校古孝翻

尚辰羊翻  
陝失冉翻

至是上命真卿說諭懷恩入朝對曰陛下在



陝臣往以忠義責之使之赴難

說式芮翻朝直  
遙翻難乃旦翻

彼猶有

可來之理今陛下還宮

還從宣翻  
又音如字

彼進不成勤王退不

能釋衆召之庸肯至乎且言懷恩反者獨辛雲京駱奉

仙李抱玉魚朝恩四人耳

朝直  
遙翻

自餘羣臣皆言其枉陞

下不若以郭子儀代懷恩可不戰而服也時汾州別駕

李抱真抱玉之從父弟也

從才  
用翻

知懷恩有異志脫身歸

京師上方以懷恩為憂召見抱真問計對曰此不足憂

也朔方將士思郭子儀如子弟之思父兄懷恩欺其衆

云郭子儀已為魚朝恩所殺衆信之故為其用耳

將即亮翻

朝直陛下誠以子儀領朔方彼皆不召而來耳上然之

甲寅禮儀使杜鴻漸

唐會要曰高祖禪代之際溫大雅與竇威陳叔達參定禮儀自

後至開元初參定禮儀者並不入銜無由檢叙開元九年韋緇除國子司業仍知太常禮儀事自此至二十三年凡四改官至太常卿並帶知禮儀事至天寶九載始置禮儀使以太子左庶子韋述為之使疏吏翻

奏

自今祀圓丘方丘請以太祖配祈穀以高祖配大雩以

太宗配明堂以肅宗配從之

唐制冬至祀圓丘夏至祀方丘孟春祈穀孟夏雩祀

李秋大享明堂以肅宗配嚴父之義也

乙卯立雍王适為皇太子

雍於翻

适古  
活翻

吐蕃之入長安也諸軍亡卒及鄉曲無賴子弟

相聚為盜吐蕃既去猶竄伏南山子午等五谷

吐從瞰入聲長

安之南山西接岐州界東抵虢州界其谷之大者有五子午谷斜谷駝谷藍田谷衡嶺谷也

所在為

患丁巳以太子賓客薛景仙為南山五谷防禦使以討

之魏博節度使田承嗣奏名所管曰天雄軍從之

疏使

吏翻嗣  
祥吏翻

僕固懷恩既不為朝廷所用遂與河東都將

李竭誠潛謀取太原

朝直遙翻將即亮翻  
都將都知兵馬使

辛雲京覺之

殺竭誠乘城設備懷恩使其子瑒將兵攻之雲京出與

戰場大敗而還遂引兵圍榆次

去年七月懷恩使瑒屯榆次瑒音暢又雉杏翻

還從宣翻又音如字

上謂郭子儀曰懷恩父子負朕實深

代宗心事惟與

子儀言之聞朔方將士思公如枯旱之望雨公為朕鎮撫河

東

為于偽翻

汾上之師必不為變

汾上謂汾州時朔方軍多在焉

戊午以子

儀為關內河東副元帥河中節度等使懷恩將士聞之

皆曰吾輩從懷恩為不義何面目見汾陽王

帥所類翻

癸

亥以劉晏為太子賓客李峴為詹事並罷政事晏坐與

程元振交通元振獲罪峴有力焉由是為宦官所疾

李峴

相肅宗不為李輔國所容宦官故與晏皆罷以右散騎之媚疾非一日矣岷戶典翻

常侍王縉為黃門侍郎大常卿杜鴻漸為兵部侍郎並

同平章事

散昔重翻騎奇寄翻縉音晉為王縉黨附元載與之俱誅張本

丁卯以郭

子儀為朔方節度大使二月子儀至河中雲南子弟萬

人戍河中將貪卒暴為一府患子儀斬十四人杖三十

人府中遂安 癸酉上朝獻太清宮

太清宮玄宗所建朝音直遙翻 甲

戊享太廟乙亥祀昊天上帝於園丘 僕固瑒圍榆次

旬餘不拔遣使急發祁縣兵李光逸盡與之

李光逸屯祁縣事始

上年七月士卒未食行不能前十將白玉焦暉以鳴鏑射其

後者

後者行不能及衆者也射而亦翻下乃射射之同

軍士曰將軍何乃射人

玉曰今從人反終不免死死一也射之何傷

白玉焦暉欲殺瑒先

激其衆

至榆次瑒責其遲胡人曰我乘馬

承音

乃漢卒不

行耳瑒捶漢卒卒皆怨怒曰節度使黨胡人其夕焦暉

白玉帥衆攻瑒殺之

帥讀曰率

僕固懷恩聞之入告其母

曰吾語汝勿反

語牛倨翻

國家待汝不薄今衆心既變禍必

及我將如之何懷恩不對再拜而出母提刀逐之曰吾

為國家殺此賊

偽為于翻

取其心以謝三軍懷恩疾走得免

遂與麾下三百度河北走

自汾州西度河投北趣靈州

時朔方將渾

釋之守靈州懷恩檄至云全軍歸鎮釋之曰不然此必

衆潰矣將拒之其甥張韶曰彼或翻然改圖以衆歸鎮

何可不納也釋之疑未決懷恩行速先候者而至

先昔薦翻

釋之不得已納之張韶以其謀告懷恩懷恩以韶為間

殺釋之而收其軍

史言渾釋之以臨事不決自禍間古莧翻

使韶主之既而

曰釋之舅也彼尚負之安有忠於我哉他日以事杖之

折其脛寘於彌義城而死

張韶之死宜矣折而設翻脛音胡定翻脛脚莖也

都

虞候張維嶽在沁州聞懷恩去乘傳至汾州

傳張憲翻驛馬也

撫定其衆殺焦暉白玉而竊其功以告郭子儀子儀使

牙官盧諒至汾州

節鎮州府皆有牙官行官牙官給牙前驅使行官使之行役出四方自五

季以後詬詈武臣率曰牙官

維嶽賂諒使實其言子儀奏維嶽殺瑒

考異曰汾陽家傳曰開府盧昂公先使汾州慰諭及還惡不比於已者好賂於已者公誅殺之邵志曰郭公使牙官盧諒之軍如岳賂諒使信其言郭公以如岳殺瑒聞詔優之諸將云云郭公乃理諒罪捧殺之今參考二書諒職傳首詣闕羣臣入賀上慘然不悅曰朕信不名從邵志



及人致勲臣顛越深用為愧又何賀焉命輦懷恩母至

長安給侍優厚月餘以壽終

史言壽終明非殺之也

以禮葬之功

臣皆感歎戊寅郭子儀如汾州

考異曰實錄廣德元年十二月丁酉僕固瑒

為帳下張維岳所殺以其眾歸郭子儀懷恩聞之棄營脫身遁走北蕃按朔方兵所以不附僕固氏者以子儀

為之帥也縱不在子儀領朔方節度使之後亦當在領河東副元帥之後而實錄二年正月丁卯子儀為朔方

節度使汾陽家傳二年正月子儀充河東副元帥河中節度使癸亥代宗三殿宴送二十六日發上都二月至

河中兼朔方節度大使戊寅往汾州甲申還至河中邵志二年正月二十日詔郭公加河中節度河東副元帥

二十九日加朔方節度二月僕固瑒率軍攻榆次邈旬不拔云云然則瑒死決不在去年十二月今因子儀如

汾州并懷恩之衆悉歸之咸鼓舞涕泣喜其來而悲其言之

晚也

卒如顏真卿李抱真之言

子儀知盧諒之詐杖殺之上以李抱

真言有驗遷殿中少監上之幸陝也李光弼竟遷延

不至上恐遂成嫌隙其母在河中數遣中使存問之

數所

角吐蕃退除光弼東都留守以察其去就光弼辭以就

江淮糧運引兵歸徐州上迎其母至長安厚加供給使

其弟光進掌禁兵遇之加厚

皆所以懷來光弼

自喪亂以來

喪息浪翻

汴水湮廢漕運者自江漢抵梁洋迂險勞費

自安祿山

作亂關洛路阻漕運沂江入漢抵梁洋故汴渠堙廢不治

三月己酉以太子賓客劉

晏為河南江淮以東轉運使議開汴水庚戌又命晏與

諸道節度使均節賦役聽便宜行畢以聞時兵火之後

中外艱食關中米斗千錢百姓接穗以給禁軍

接奴未翻

宮

厨無兼時之積

官厨所以奉上及官中食膳

晏乃疏浚汴水遺元載

書具陳漕運利病

時元載為相故遺書言漕運事遺唯季翻

令中外相應自

是每歲運米數十萬石以給關中唐世推漕運之能者

推晏為首後來者皆遵其法度云

甲子盛王琦薨

琦立

宗子也

完項寇同州郭子儀使開府儀同三司李國臣

擊之曰虜得間則出掠

問古蒐翻

官軍至則逃入山宜使羸

師居前以誘之勁騎居後以覆之國臣與戰於澄城北

澄城春秋左傳北徵之地漢為徵縣屬馮翊音澄後魏為澄城縣并置澄城郡隋廢郡存縣唐屬同州九域志

縣在州北九十里

大破之斬首捕虜千餘人

夏五月癸丑初

行五紀歷

寶應元年六月望戊夜月蝕三之一官歷加時在日出後有交不署蝕代宗以至德歷不

與天合詔司天臺官屬郭獻之等復用麟德元紀更立歲差增損遲疾交會及五星差數以寫大衍舊術上元

七曜起虛四度帝為

製序題曰五紀歷

庚申禮部侍郎楊綰奏歲貢孝

弟力田無實狀及童子科皆僥倖悉罷之

孝弟力田之科始於漢

郭子儀以安史昔據洛陽故諸道置節度使以制其

要衝今大盜已平而所在聚兵耗蠹百姓表請罷之仍

自河中為始

子儀時鎮河中表先罷河中節度以示諸鎮君子惜其有安國家尊朝廷之心而時

君不能盡用之也

六月勅罷河中節度及耀德軍

乾元二年置耀德軍於河

中子儀復請罷關內副元帥

復扶又翻下衆復同

不許

僕固懷

恩至靈武收合散亡其衆復振上厚撫其家癸未下詔

稱其勲勞著於帝室及於天下疑隙之端起自羣小察

其深衷本無它志君臣之義情實如初但以河北既平

朔方已有所屬宜解河北副元帥朔方節度等使

優詔解其

職任使河北諸帥不復稟其約束朔方將士心歸子儀

其太保兼中書令大寧郡

王如故但當詣闕更勿有疑懷恩竟不從 秋七月庚

子稅天下青苗錢以給百官俸

乾元以來天下用兵京司百寮俸錢減耗上即

位推恩庶寮下議公卿或言稅畝有苗者公私咸濟乃分遣憲官稅天下地青苗錢充百司課料宋白曰大歷

五年五月詔京兆府應徵青苗地頭錢等承前青苗錢每畝徵十五文地頭錢每畝徵二十五文自今已後宜

一切以青苗錢為名每畝減五文徵三十五文隨徵

夏稅時據數徵納八年每畝率十五文俸方用翻

太尉兼侍中河南副元帥臨淮武穆王李光弼治軍嚴

整

治直指翻

指顧號令諸將莫敢仰視謀定而後戰能以少

制衆與郭子儀齊名及在徐州擁兵不朝諸將田神功

等不復稟畏

少始照翻復扶又翻李光弼處危疑之地其迹若無君者而諸將亦不復稟畏光弼

節義天下之大義非虛語也

光弼愧恨成疾已酉薨

史言李光弼不能以功名自終

八月丙寅以王縉代光弼都統河南淮西山南東道諸

行營

統他綜翻俗從上聲

郭子儀自河中入朝會涇原奏僕固

懷恩引回紇吐蕃十萬衆將入寇

朝直遙翻統下沒翻吐從瞰入聲考異

曰舊子儀傳云數十萬衆懷恩傳云誘吐蕃十萬衆按汾陽家傳實不過十萬

京師震駭詔子

儀帥諸將出鎮奉天

帥讀曰率奉天縣屬京北宋白曰本醴泉縣地武后分置奉天縣以

奉乾陵在京兆西北百五十里

上召問方略對曰懷恩無能為也上曰

何故對曰懷恩勇而少恩

少詩沼翻

士心不附所以能入寇

者因思歸之士耳

以此觀之則懷恩將士蓋有關內河東人

懷恩本臣偏裨

裨頻眉翻

其麾下皆臣部曲必不忍以鋒刃相向以此知其

無能為也辛巳子儀發赴奉天甲午加王縉東都留

守

縉音晉守式入翻

河中尹兼節度副使崔寓

使疏更翻寓于矩翻考



異曰五月己罷河中節度今發鎮兵西禦吐蕃為法不  
猶有副使者蓋言其前官也

一九月丙申鎮兵作亂掠官府及居民終夕乃定  
吐從

聲 丙午加河東節度使辛雲京同平章事 辛亥以

郭子儀充北道邠寧涇原河西以來通和吐蕃使以陳

鄭澤潞節度使李抱玉充南道通和吐蕃使  
託通和以

兵吐從 子儀聞吐蕃逼邠州甲寅遣其子朔方兵馬使  
嗽入聲

晞將兵萬人救之  
邠界旻翻將即 已未劔南節度使

亮翻又音如字

嚴武破吐蕃七萬衆拔當狗城  
當狗城當白狗羌 關

之路故以名城

中蟲蝗霖雨米斗千餘錢僕固懷恩前軍至宜祿郭

子儀使右兵馬使李國臣將兵為郭晞後繼邠寧節度

使白孝德敗吐蕃於宜祿

將即亮翻又音如字領也敗補賣翻考異曰實錄癸巳

孝德敗吐蕃一千餘衆於宜祿生擒蕃將數人按汾陽家傳二十六日賊先軍次宜祿然則前八日孝德宜得已敗吐蕃於宜祿乎實錄誤也冬十月懷恩引回紇吐蕃至邠州白孝

德郭晞閉城拒守

考異曰汾陽家傳晞屢破吐蕃今從實錄舊子儀傳曰虜寇邠州子儀

在涇陽子儀令長男朔方兵馬使曜率師拒之與孝德閉城拒守按實錄及晞傳皆云晞拒懷恩破之子儀傳

云曜誤也

庚午嚴武拔吐蕃鹽川城

鹽川城在當狗城西北維州舊有鹽溪縣

永徽初省入  
保州定康縣

僕固懷恩與回紇吐蕃進逼奉天京師

戒嚴諸將請戰郭子儀不許曰虜深入吾地利於速戰  
吾堅壁以待之彼以我為怯必不戒乃可破也若遽戰  
而不利則衆心離矣敢言戰者斬辛未夜子儀出陳於  
乾陵之南

陳讀  
曰陣

壬申未明虜衆大至虜始以子儀為無

備欲襲之忽見大軍驚愕遂不戰而退子儀使裨將李

懷光等將五千騎追虜至麻亭而還虜至邠州丁丑攻

之不克乙酉虜涉涇而遁

考異曰實錄十月辛未夜  
郭晞遣馬步三千人於邠州

西斬賊營殺千餘人生擒八十三人俘大將四人十一月乙未懷恩及吐蕃等自潰京師解嚴汾陽家傳曰十月七日公誓師曰明日有寇爾其備之及夜出兵數萬陣於西門之外廣布旗幟如十萬軍未曙懷恩吐蕃回紇吐渾等已陣于乾陵北長二十里懷恩等初謂無備欲襲之既見陣兩蕃大駭不敢戰而懷恩頃為公所馭憚公之威又遁初軍中偶語夜中出兵與鬼鬪耳及未曙寇已至矣軍中所以服公之先知也賊至於邠州營於北原十三日攻其東門不剋十四日橫陣於南原請戰晞等與之連戰大破之追奔數十里二十一日涉涇而還邠志懷恩寇邠涇十七日衆度邠州郭晞率衆禦之戰於邠邠我師敗之懷恩覆其陣泣曰此等昔為我兒我教其射反為它人致死於我惜哉明日引軍南出舊郭晞傳曰懷恩誘虜再寇邠州陣於涇北晞乘其半濟而擊之大破獫狁斬首五千級連戰皆捷吐蕃傳曰郭鋒於邠州西三十里令精騎斫懷恩營破五千衆斬

首千餘級生擒八十五人降其大將四人諸書載鄆  
寧戰守勝敗事各不同今從汾陽家傳以實錄參之

懷恩之南寇也河西節度使楊志烈發卒五千謂監軍

栢文達曰河西銳卒盡於此矣君將之以攻靈武

使疏吏翻

監古銜翻將即亮翻下同又音如字

則懷恩有返顧之慮此亦救京師之

一奇也文達遂將衆擊摧砂堡靈武縣皆下之

推砂堡在原州

西北靈武後周置建安縣後又置歷城郡隋開皇三年  
廢郡十八年改建安為廣閭仁壽元年又改曰靈武屬

靈州進攻靈州懷恩聞之自永壽遽歸

宋白曰永壽縣屬邠州武德元年於

永壽原置縣因原立名

使蕃渾二千騎夜襲文達大破之士卒死

者殆半文達將餘衆歸涼州哭而入志烈迎之曰此行

有安京室之功卒死何傷士卒怨其言未幾

幾居  
豈翻

吐蕃

圍涼州士卒不為用志烈奔甘州為沙陀所殺

舊志涼  
州西北

至甘州  
六百里

沙陀姓朱耶世居沙陀磧因以為名

沙陀始  
見於此

十一月丁未郭子儀自行營入朝郭晞在邠州縱士卒

為暴節度使白孝德患之以子儀故不敢言涇州刺史

段秀實自請補都虞候

虞候古候奄之職虞  
防虞也候候望也

孝德從之

既署一月晞軍士十七人入市取酒以刃刺酒翁

酒翁  
釀酒

者也今人呼為酒壞釀器壑古秀實列卒取十七人首  
大工刺七亦翻贗翻

注藥上植市門

植直吏翻又時力翻考異曰此出柳宗元段太尉逸事狀段公家傳曰廣德

二年正月白孝德授邠寧節度使七月大軍西還頗有  
俘掠又以邠土經寇未暇耕耘乃謀頓軍奉天取給畿  
內時倉廩匱竭吏人潛竄軍士公行發掘兼施桎訊閭  
里怨苦遠近彰聞孝德知之力不能制公戲謂賓朋曰  
若使余為軍候不令至是行軍司馬王稷以其言啓於  
白孝德即日以公為都虞候兼權知奉天縣事浹旬而  
軍不犯禁逾月而路不拾遺永泰元年孝德奉詔歸邠  
州表公進封張掖郡王北庭行軍邠寧都虞候據實錄  
時晞官為左常侍宗元云尚書誤也又按實錄廣德二  
年十月吐蕃寇邠州孝德晞閉城拒守汾陽家傳其年  
九月公使陳回光與孝德議邊事於汾州則孝德不以  
永泰元年始歸邠州陳翊誤也逸事狀又云先是太尉

在涇州為營田官涇大將焦令謨取人田自占數十頃  
給與農曰且熟歸我半是歲大旱野無草農以告謨曰  
我知入數而已不知旱也督責益急且饑死無以償即  
告太尉太尉判狀辭甚巽使人求諭謨謨盛怒召農者  
曰我畏段某耶何敢言我取判鋪背上以大杖擊二十  
垂死與來庭中太尉大泣曰乃我困汝即自取水洗去  
血裂裳衣瘡手注善藥旦夕自哺農者然後食取騎馬  
賣市穀代償使勿知淮西寓軍帥尹少榮剛直士也入  
見謨大罵曰汝誠人耶涇州野如赭人且饑死而必得  
穀又用大杖擊無罪者段公仁信大人也而汝不知敬  
今段公唯一馬賤賣市穀入汝又取不恥凡為人傲天  
災犯大人擊無罪者又取仁者穀使主人出無馬汝將  
何以視天地尚不愧奴隸耶謨雖暴抗然聞言則大愧  
流汗不能食曰吾終不可以見段公一昔自恨死按段  
公別傳大歷八年焦令謨猶存蓋  
晞一營大譟盡甲孝  
宗元得於傳聞其實令謨不死也



德震恐召秀實曰奈何秀實曰無傷也請往解之孝德

使數十人從行秀實盡辭去選老健者一人

諫則寃翻  
健悍亦翻

跛之甚  
者也

持馬至晞門下甲者出秀實笑且入曰殺一老

卒何甲也吾戴吾頭來矣

老卒秀實自謂也言戴頭而來聽其斬之也

甲者

愕因諭曰常侍負若屬邪

邪音耶晞時帶左散騎常侍故稱之

副元帥負

若屬邪

副元帥謂子儀帥所類翻

奈何欲以亂敗郭氏

敗補賣翻

晞出秀

實讓之曰副元帥勲塞天地

塞昔則翻

當念始終今常侍恣

卒為暴行且致亂亂則罪及副元帥亂由常侍出然則

郭氏功名其存者幾何

幾居  
豈翻

言未畢晞再拜曰公幸教

晞以道

斷句

恩甚大敢不從命顧叱左右皆解甲散還火

伍中敢譁者死

還從宣翻又音如字唐制  
兵五人為伍十人為火

秀實因留宿

軍中晞通夕不解衣戒候卒擊柝衛秀實旦俱至孝德

所謝不能

斷句請改

諸改  
過也

邠州由是無患

五谷防禦使

薛景仙討南山羣盜連月不克上命李抱玉討之賊帥

高玉最彊抱玉遣兵馬使李崇客將四百騎自洋州入

襲之於桃鰲川大破之玉走成固

使疏吏翻騎奇計翻  
洋音祥又如字走音

奏將即亮翻又如字洋州古成固縣

唐志洋州治興道縣即古成固地  
庚申山南西道節

度使張獻誠擒王獻之餘盜皆平 十二月乙丑加郭

子儀尚書令子儀以為自太宗為此官累聖不復置

扶復

又翻近皇太子亦嘗為之非微臣所宜當固辭不受還鎮

河中 是歲戶部奏戶二百九十餘萬口一千六百九

十餘萬

史言喪亂之後戶口減於承平什七八

上遣于闐王勝還國勝

固請留宿衛以國授其弟曜

勝令弟曜攝國自將兵入援見二百十九卷至德元

載闐徒賢翻又徒見翻

上許之加勝開府儀同三司賜爵武都王

永泰元年春正月癸卯朔改元赦天下 戊申加陳鄭

澤潞節度使李抱玉鳳翔隴右節度使

李抱玉時以陳鄭澤潞行營兵

屯京西故加鳳翔隴右節度使

以其從弟殿中少監抱真為澤潞節度

副使

從才用翻少始照翻

抱真以山東有變上黨為兵衝而荒亂

之餘土瘠民困無以贍軍乃籍民每三丁選一壯者免

其租徭給弓矢使農隙習射歲暮都試

史始曰謂摠閱試習武備也霍

光傳都肄郎孟康曰都試也漢制郡國以八月都試閱武備

行其賞罰比三年得精

兵二萬

比必利翻及也

既不費廩給府庫充實遂雄視山東由

是天下稱澤潞步兵為諸道最

為李抱真以澤潞兵橫制諸叛張本

二

月戊寅党項寇富平焚定陵殿

党底朗翻定陵中宗陵也在雍州富平縣西北

凡陵有寢有殿後曰寢前曰殿

庚辰儀王璿薨

璿玄宗子也音遂

三月壬

辰朔命左僕射裴冕右僕射郭英乂等文武之臣十三

人於賢殿待制

永徽中命弘文館學士二人日待制於武德殿西門文明元年詔京官五

品以上清官日一人待制于章善明福門先天末又命朝集使六品以上二人隨仗待制時勲臣罷節制無職事令待制於集賢殿門宋白曰是年詔左僕射裴冕右僕射郭英乂太子少傅裴遵慶檢校太子少保兼御史大夫元志直太子詹事兼御史大夫臧希讓左散騎常侍暢瓘檢校刑部尚書王昂高昇檢校工部尚書知省

事在漢吏部侍郎李季師王延昌禮部侍郎賈至涇王  
傅吳令瑤集賢待制以勲臣罷節制無職事乃於禁門  
書院待制間以  
文儒寵之也 左拾遺洛陽獨孤及上疏曰陛下召冕

等待制以備詢問此五帝盛德也

上時掌翻  
疏所句翻

頃者陛下

雖容其直而不錄其言有容下之名無聽諫之實遂使

諫者稍稍鉗口飽食相招為祿仕此忠鯁之人所以竊

歎而臣亦恥之今師興不息十年矣

鉗其廉翻玄宗天  
寶十四載安祿山

反至是  
十年

人之生產空於杼軸擁兵者第館亘街陌奴婢

厭酒肉而貧人羸餓就役剝膚及髓長安城中白晝椎

剽

竊偷為翻推直  
追翻剽匹妙翻

吏不敢詰官亂職廢將墮卒暴百揆

墮刺如沸粥紛麻

唐虞有百揆之官孔安國曰揆度也  
度百事揆百官此所謂百揆蓋言百

官之事也詰去吉翻  
將即亮翻刺來達翻

民不敢訴於有司有司不敢聞於

陛下茹毒飲痛窮而無告陛下不以此時思所以救之

之術臣實懼焉今天下惟朔方隴西有吐蕃僕固之虞

邠涇鳳翔之兵足以當之矣自此而往東洎海南至番

禺

吐從瞰入聲邠卑中翻  
洎其計翻番禺音潘愚

西盡巴蜀無鼠竊之盜而兵

不為解

為于偽翻

傾天下之貲竭天下之穀以給不用之軍

臣不知其故假令居安思危自可阨要害之地俾置屯

禦

令力丁翻  
阨與扼同

悉休其餘以糧儲扉屨之資

扉扶拂翻草  
屨也黃帝臣

於則  
所造

充疲人貢賦歲可減國租之半陛下豈可持疑於

改作使率土之患日甚一日乎上不能用 丙午以李

抱玉同平章事鎮鳳翔如故 庚戌吐蕃遣使請和詔

元載杜鴻漸與盟於興唐寺

程大昌曰安國寺在朱雀  
街東第四街之長樂坊與

唐寺別在向南一坊開元八年造會要興唐寺在大寧  
坊神龍元年太平公主為天后立為閭極寺開元二十  
年改為興唐寺使疏吏上問郭子儀吐蕃請盟何如對

翻載祖亥翻又音如字



曰吐蕃利我不虞若不虞而來國不可守矣

不虞猶不備也

乃

相繼遣河中兵戍奉天又遣兵巡涇原以覘之

覘丑廉翻又丑

艷翻是春不雨米斗千錢夏四月丁丑命御史大夫

王翊充諸道稅錢使河東道租庸鹽鐵使裴誥入奏事

誥私翻

上問權酤之利歲入幾何誥久之不對上復問之

復扶又翻

對曰臣自河東來所過見菽粟未種農夫愁怨臣

以為陛下見臣必先問人之疾苦乃責臣以營利臣是

以未敢對也上謝之拜左司郎中誥寬之子也

裴寬事玄宗

辛卯劍南節度使嚴武薨武三鎮劍南

按至德二載收長安以武

為劍南東川節度使上皇詔以劍南兩川合為一道拜武成都尹充劍南節度使既召入朝去年復以武鎮劍南凡再鎮劍南前後三受命耳廣德二年考異謂東西川非上皇詔所合者蓋至德二載分劍南為東西川是年上皇還京師則合東西川為一道必非上皇詔通鑑乾元元年書嚴武貶巴州寶應元年書以兵部侍郎嚴武為西川節度使廣德二年書合東西川以黃門侍郎嚴武為節度使據通鑑所書武蓋再鎮劍南今日三鎮劍南則是先嘗除東川一節然言武三鎮劍南更須博考按書宜不書除東川一節然言武三鎮劍南更須博考按厚賦斂下卷書武用崔旰事亦只再鎮劍南耳唐書蓋因杜甫詩有主恩前後三持節之語致有此誤

以窮奢侈梓州刺史章彝小不副意召而杖殺之然吐

蕃畏之不敢犯其境母數戒其驕暴

致力贍翻吐從瞰入聲數所角翻

武不從及死母曰吾今始免為官婢矣

言武驕暴以悖逆致罪禍必及

母今其死乃知免

五月癸丑以右僕射郭英乂為劍南節度

使

為郭英乂為崔旰所殺張本射寅謝翻使疏吏翻

畿內麥稔京兆尹第五琦

請稅百姓田十畝收其一曰此古什一之法也

史言第五琦傳

會古法以欺

上從之

平盧節度使侯希逸鎮淄青

侯希

君琦音奇

逸鎮淄青始上卷上元二年使疏吏翻下同

好游畋營塔寺

好呼到翻

軍州苦之

兵馬使

使疏吏翻

李懷玉得衆心希逸忌之因事解其軍職

希逸與巫宿於城外軍士閉門不納奉懷王為帥希逸

奔滑州上表待罪

帥所類翻

詔赦之召還京師

還從宣翻又音如字

秋

七月壬辰以鄭王邈為平盧淄青節度大使

邈皇子也

以懷

玉知留後賜名正己時承德節度使李寶臣魏博節度

使田承嗣相衛節度使薛嵩盧龍節度使李懷仙收安

史餘黨各擁勁卒數萬治兵完城

相昔亮翻嗣祥吏翻治直之翻

自署

文武將吏不供貢賦與山南東道節度使梁崇義及正

已皆結為昏姻互相表裏朝廷專事姑息不能復制雖

名藩臣羈縻而已

史因李正己逐侯希逸究言藩鎮之橫復扶又翻將即亮翻朝直遙翻

甲午以上女昇平公主嫁郭子儀之子曖

曖烏代翻

太

子母沈氏吳興人也

吳興湖州

安祿山之陷長安也

見二百十八卷

肅宗至德元載

掠送洛陽宮上充洛陽

見二百二十一年

見之未

及迎歸長安會史思明再陷洛陽

見二百二十一年

遂失

所在上即位遣使散求之不獲已亥壽州崇善寺尼廣

澄詐稱太子母按驗乃故少陽院乳母也

大明宮有少陽院太子居

之尼女夷翻

鞭殺之

九月庚寅朔置百高座於資聖

西明兩寺

據百高座百尺高座也唐會要資聖寺在崇仁坊本長孫無忌宅龍朔三年為文德皇后

資福立為尼寺咸亨四年復為僧寺西明寺在延康坊本越國公楊素宅貞觀中賜樸王泰泰死乃立為寺

講仁王經

所謂護國仁王經

內出經二寶輿以人為菩薩鬼神

之狀導以音樂鹵簿百官迎于光順門外從至寺

菩薩音蒲薩

桑葛翻

僕固懷恩誘回紇吐蕃吐谷渾党項奴刺

誘羊久翻

吐從瞰入聲紇下沒翻谷音浴党音底朗翻刺來達翻

數十萬眾俱入寇令吐蕃

大將尚結悉贊摩馬重英等自北道趣奉天党項帥任

敷鄭庭郝德等自東道趣同州

宋白曰任敷朔方葛將趣七喻翻下同

吐

谷渾奴刺之衆自西道趣盤屋回紇繼吐蕃之後懷恩  
又以朔方兵繼之郭子儀使行軍司馬趙復入奏曰虜  
皆騎兵其來如飛不可易也

易以駭翻輕也

請使諸道節度使

鳳翔李抱玉滑濮李光庭邠寧白孝德

李光庭恐當作李光進

鎮

西馬璘河南郝庭玉淮西李忠臣各出兵以扼其衝要

此時李光庭郝庭玉李忠臣各在本道餘皆分屯京西

上從之諸道多不時出兵

李忠臣方與諸將擊毬得詔亟命治行之

治直翻

諸將及監

軍皆曰師行必擇日忠臣怒曰父母有急豈可擇日而

後救邪即日勒兵就道懷恩中途遇暴疾而歸丁酉死

於鳴沙

考異曰舊懷恩傳曰懷恩領回紇及朔方之衆繼進行至鳴沙縣遇疾昇歸九月九日死於

靈武按長歷九月庚寅朔丁酉八日也唐歷邠志皆云九月八日懷恩死于靈州今從實錄

大將張

韶代領其衆別將徐璜玉殺之范志誠又殺璜玉而領

其衆懷恩拒命三年再引胡寇為國大患

去年及今年之寇上

猶為之隱

偽為于翻

前後勅制未嘗言其反及聞其死憫然

曰懷恩不反為左右所誤耳吐蕃至邠州白孝德嬰城

自守甲辰上命宰相及諸司長官

六曹有尚書寺有卿監有監皆為諸司長



官於西明寺行香設素饌奏樂

微福於佛也

是日吐蕃十萬

衆至奉天京城震恐朔方兵馬使渾瑊

渾戶昆翻又戶本翻瑊古咸翻

討擊使白元光先戍奉天虜始列營瑊帥驍騎二百衝

之身先士卒虜衆披靡

先昔見翻披普彼翻

瑊挾虜將一人躍馬

而還從騎無中鋒鏑者

從才用翻中竹仲翻

城上士卒望之勇氣

始振乙巳吐蕃進攻之虜死傷甚衆數日斂衆還營瑊

夜引兵襲之殺千餘人前後與虜戰二百餘合斬首五

千級丙午罷百高座講召郭子儀於河中使屯涇陽已

酉命李忠臣屯東渭橋李光進屯雲陽馬璘郝庭玉屯  
便橋李抱玉屯鳳翔內侍駱奉仙將軍李日越屯盤屋  
同華節度使周智光屯同州廊坊節度使杜冕屯坊州  
上自將六軍屯苑中庚戌下制親征辛亥魚朝恩請索  
城中括士民私馬令城中男子皆衣皂

索山客翻  
衣於既翻

團結

為兵城門皆塞二開一

塞悉  
則翻

士民大駭踰垣鑿竇而逃

者甚衆吏不能禁朝恩欲奉幸河中以避吐蕃恐羣

臣議論不一一旦百官入朝立班久之閣門不開

閣門  
謂東

西上閤門也 朝恩忽從禁軍十餘人操白刃而出宣言吐蕃

數犯郊畿

操七刀翻數所角翻

車駕欲幸河中何如公卿皆錯愕

不知所對有劉給事者獨出班抗聲曰勅使反邪

唐人謂宦

官為勅使使疎吏翻

今屯軍如雲不勦力扞寇而遽欲脅天子棄

宗廟社稷而去非反而何朝恩驚沮而退事遂寢

劉給事立

朝守正不可奪如此且兩省官也而史失其名唐置史館何為哉

考異曰新魚朝恩傳云僕固瑒攻絳州使

姚良據溫誘回紇陷河陽朝恩遣李忠誠討瑒以霍十場監之王景岑討良王希遷監之敗瑒於萬泉生擒良高暉等引吐蕃入寇遣劉德信討斬之故朝恩因麾下數克獲竊以自高是時郭子儀有定天下功居人臣第

一心媚之乘相州敗醜為詆譖肅宗不內其語然猶罷子儀兵留京師代宗立與程元振一口加毀帝未及寤子儀憂甚俄而吐蕃陷京師卒用其力王室再安朝恩內慙乃勸帝徙洛陽欲遠戎狄百僚在庭朝恩從十餘人持兵出曰虜犯都甸欲幸洛云何宰相未對有近臣折曰勅使反邪今屯兵足以扞寇何遽脅天子奔宗廟為朝恩色沮而子儀亦謂不可乃止李肇國史補曰代宗朝百僚立班良久閣門不開魚朝恩忽擁白刃十餘人而出宣言曰西蕃頻犯郊圻欲幸河中何如宰臣以下蒼黃不知所對給事中劉不記其名出班抗聲曰勅使反邪云云由此罷遷幸之議按僕固瑒攻榆次不聞攻絳州高暉為李日越所擒不聞劉德信所斬朝恩欲幸河中不聞欲幸洛既云頻犯郊圻必是吐蕃後自丙入寇時也新書所云不知據何書今從國史補

午至甲寅大雨不止故虜不能進吐蕃移兵攻醴泉党

項西掠白水

白水縣漢粟邑之地後魏太和二年置白水縣及白水郡隋廢郡存縣唐屬同州

東侵蒲津丁巳吐蕃大掠男女數萬而去所過焚廬舍蹂禾稼殆盡周智光引兵邀擊破之于澄城北因逐北

至鄜州

宋白曰鄜州漢上郡雕陰之地後魏太和十一年置東秦州孝昌二年又改為北華州廢帝二

年改為鄜州因鄜時為名九域志鄜州東南至同州四百一十四里澄城縣在同州北九十里坊州漢渠搜縣中部都尉理所後魏屬鄜州管內周天和七年元皇帝作牧鄜州於此置馬坊唐高祖因置坊州取馬坊為名九域志坊州北至鄜州一百一十里鄜音夫

智光素與杜冕不協遂殺鄜州

刺史張麟阮冕家屬八十一人焚坊州廬舍三千餘家

冬十月己未復講經於資聖寺吐蕃退至邠州遇回紇

復相與入寇

復扶又翻下復至同

辛酉至奉天

考異曰邠志云八月懷恩以諸戎入

寇九月詔郭公討之師于涇陽回紇屯涇北去我十里朝恩請擊回紇郭公曰我昔與回紇情契頗至今茲為寇必將有故吾方導而問之可不戰而下也朝恩流言謂郭公與懷恩為應陰率諸軍列營渭上郭公章疏逾旬不達郭公諸子在長安聞之使小將強羽以物議告郭公郭公問道入覲且以衆議聞上曰無是即日令赴涇陽朝恩驚曰郭公真長者吾比疑之誠小人也按回紇九月未至涇陽十月辛酉始至奉天丙寅圍涇陽丁卯子儀已與之盟首尾繞七日豈容有章疏逾旬不達之事子儀為元帥與強敵對壘豈可棄軍入朝汾陽家傳此際亦無入

癸亥党項焚同州官廨民居而去

廨居陞翻

丙寅回紇吐蕃合兵圍涇陽子儀命諸將嚴設守備而

不戰及暮二虜退屯北原

涇陽之北原也

丁卯復至城下是時

回紇與吐蕃聞僕固懷恩死已爭長不相睦

長知兩翻

分營

而居子儀知之回紇在城西子儀使牙將李光瓚等往

說之

牙將者牙前將領統元帥親兵說式芮翻下往說同

欲與之共擊吐蕃回紇

不信曰郭公固在此乎汝給我耳若果在此可得見乎

光瓚還報子儀曰今衆寡不敵難以力勝昔與回紇契

約甚厚不若挺身往說之可不戰而下也諸將請選鐵

騎五百為衛從

從才用翻

子儀曰此適足為害也郭晞扣馬

諫曰彼虎狼也大人國之元帥奈何以身為虜餌子儀

曰今戰則父子俱死而國家危往以至誠與之言或幸

而見從則四海之福也不然則身沒而家全

子儀之審處利害而

權其輕重者如此

以鞭擊其手曰去遂與數騎開門而出使人

傳呼曰令公來

子儀時為中書令故傳呼令公

回紇大驚其大帥合胡

祿都督藥葛羅可汗之弟也執弓注矢立於陣前子儀

免胄釋甲投槍而進回紇諸酋長相顧曰是也

酋慈皆由翻



下馬羅拜子儀亦下馬前執藥葛羅手讓之曰汝回紇

有大功於唐

謂舉兵助唐平安史也

唐之報汝亦不薄奈何負約

深入吾地侵逼畿縣

唐京都屬縣附城之縣為赤為次赤如昭應奉天醴泉等縣為次赤

餘為畿縣

棄前功結怨仇背恩德而助叛臣何其愚也

背蒲妹翻

且懷恩叛君棄母

謂懷恩阻兵汾絳既而叛歸靈武棄母於汾州也

於汝國何

有今吾挺身而來聽汝執我殺之我之將士必致死與

汝戰矣藥葛羅曰懷恩欺我言天可汗已晏駕令公亦

捐館中國無主我是以敢與之來今知天可汗在上都

自貞觀中四夷君長請太宗為天可汗是後夷人率謂天子為天可汗上都長安也

於此懷恩又為天所殺我曹豈肯與令公戰乎子儀因

說之曰吐蕃無道乘我國有亂不顧舅甥之親

吐蕃尚唐公主

為舅甥之國復扶又翻說式內翻

吞噬我邊鄙焚蕩我畿甸其所掠之

財不可勝載

勝音升

馬牛雜畜長數百里

畜許救翻長直亮翻

彌漫

在野此天以賜汝也全師而繼好

漫音萬又莫官翻好呼到翻

破敵

以取富為汝計孰便於此不可失也藥葛羅曰吾為懷

恩所誤負公誠深今請為公盡力擊吐蕃以謝過

為于偽翻

然懷恩之子可敦兄弟也願捨之勿殺子儀許之回紇

觀者為兩翼稍前子儀麾下亦進子儀揮手却之因取

酒與其酋長共飲藥葛羅使子儀先執酒為誓子儀酌

地曰

紇下沒翻酋慈由翻長知兩翻  
酌虛對翻以酒沃於地曰酌

大唐天子萬歲回

紇可汗亦萬歲兩國將相亦萬歲有負約者身殞陳前

家族滅絕

可從刊入聲汗音寒將即  
亮翻相息亮翻陳讀曰陣

孟至藥葛羅亦酌

地曰如令公誓於是諸酋長皆大喜曰鄉以二巫師從

軍巫言此行甚安隱

隱讀  
曰穩

不與唐戰見一大人而還今

果然矣子儀遺之絲三千匹

遺唯季翻

酋長分以賞巫子儀

竟與定約而還吐蕃聞之夜引兵遁去回紇遣其酋長

石野那等六人入見天子

見賢通翻

藥葛羅帥衆追吐蕃子

儀使白元光帥精騎與之俱癸酉戰于靈臺西原大破

之靈臺漢鴈觚縣地天寶元年更名靈臺九域志靈臺縣在涇州東九十里舊史破吐蕃處在靈臺縣西五

十里地名赤山嶺

殺吐蕃萬計得所掠士女四千人丙子又破

之於涇州東

考異曰寶錄云十月吐蕃退至邠州與回紇相遇復合從為寇辛酉寇奉天乙亥

回紇以懷恩死貳於吐蕃丁丑郭子儀單騎詣回紇軍免胄與回紇大將語責以負約遂與之盟己卯回紇首

領石野那等六人來朝庚辰子儀遣白元光帥精銳會  
回紇兵數千人大破吐蕃十餘萬衆於靈臺縣之西原  
汾陽家傳曰十月八日吐蕃回紇合圍涇陽屯於北原  
其夜公使方面各除道二詔朝將戰明日寇又至兵甲  
益盛公使衙前將李光瓚等出諭之亦不受請決戰公  
以虜騎勁亦以衆寡不敵孤軍無救使闢軍門躍一騎  
而出兵部郎中馬錫主客員外郎陳翃時以一騎從回  
紇合胡祿都督藥葛羅宰相立于陣前持滿相向公前  
叱之云云藥葛羅等惘然懷慙伏而請罪因與之盟吐  
蕃聞之夜半抽兵而逸回紇藥葛羅等遽追之公使白  
元光等繼之十五日至靈臺破尚結息一十萬衆十八  
日於涇州東又破之舊子儀傳曰子儀自河中至屯於  
涇陽而虜騎已合子儀一軍萬餘人而雜虜圍之數重  
子儀使李國臣高昇拒其東魏楚王當其南陳迴光當  
其西朱元琮當其北子儀帥甲騎二千出沒於左右前  
後虜見而問曰此誰也報曰郭令公也回紇曰令公存

乎僕臣懷恩言天可汗已棄四海令公亦謝世中國無主故從其來今令公存天可汗存乎報之曰皇帝萬壽無疆回紇皆曰懷恩欺我子儀又使諭之云云回紇曰謂令公亡矣不然何以至此令公誠存安得而見之子儀將出諸將諫子儀曰今力固不敵且至誠感神况虜輩乎回紇傳曰吐蕃將馬重英等十月初引退取邠州舊路而歸回紇首領羅達干等帥其衆二千餘騎詣涇陽請降子儀許之率衆被甲持滿數千人回紇譯曰此來非惡心要見令公子儀曰我令公也回紇曰請去甲子儀便脫兜鍪整槍甲竦馬挺身而前回紇酋長相顧曰是也便下馬羅拜子儀亦下馬執回紇大將合胡祿都督藥葛羅等手責讓之曰國家知回紇有功報汝大厚汝何負約犯我王畿我須與汝戰何乃降為我一身挺入汝營任汝拘繫我下將士須與汝戰回紇又譯曰懷恩負心來報可汗云唐國天子今已向江淮令公亦不主兵我是以敢來今知天可汗見在上都令公為將懷

恩天又殺之今請追殺吐蕃收其羊馬以報國恩邠志  
曰十月二十四日回紇逼涇陽陣于郭西使漢語者曰  
城中誰將軍吏對曰郭令公也虜曰郭令公亡矣給我  
也郭公聞之獨與家童五六人常服相詣其子晞等扣  
馬止之公握其手曰去使人告虜按轡就之回紇熟視  
曰是也下馬皆拜曰始者不知令公尚在今日降可乎  
郭公入其衆取酒飲之虜又請曰恐不見信願擊吐蕃  
以自効郭公從之回紇擊吐蕃逐之三十日敗蕃衆于  
靈臺殺萬餘人而去按長歷十月己未朔三日辛酉十  
九日丁丑如寶錄所言豈有回紇吐蕃數十萬衆入京  
畿留十七日而寂無攻戰之一事乎當是時陳翊在子  
儀軍中所記日月近得其實今二虜圍涇陽及子儀與  
回紇盟及破吐蕃日月皆從汾陽家丁丑僕固懷恩將  
傳事則兼採衆書擇其可信者取之

張休藏等降辛巳詔罷親征京城解嚴初肅宗以陝

西節度使郭英乂領神策軍使內侍魚朝恩監其軍英

乂入為僕射朝恩專將之

將即亮  
翻下同

及上幸陝朝恩舉在

陝兵與神策軍迎扈悉號神策軍天子幸其營及京師

平朝恩遂以軍歸禁中自將之然尚未得與北軍齒

北軍

北門六軍也

至是朝恩以神策軍從上屯苑中其勢寔盛分

為左右廂居北軍之右矣

史言神策軍雄  
盛之所由始

郭子儀以

僕固名臣李建忠等皆懷恩驍將恐逃入外夷請招之

名臣懷恩之姪也時在回紇營上勅并舊將有功者皆



赦其罪令回紇送之壬午名臣以千餘騎來降子儀使  
開府儀同三司慕容休貞以書諭党項帥鄭庭郝德等  
皆詣鳳翔降 甲申周智光詣闕獻捷再宿歸鎮智光  
負專殺之罪未治

謂殺張麟及杜冕家  
屬之罪治直之翻

上既遣而悔之

乙酉回紇胡祿都督等二百餘人入見前後贈賚繒  
帛十萬匹府藏空竭稅百官俸以給之

見賢通翻  
藏徂浪翻



資治通鑑卷二百二十三



總校官庶吉士臣侍朝

校對官檢討臣龔大萬

謄錄監生臣甄輔廷

欽定四庫全書薈要

史部

資治通鑑卷二百二十四

詳校官編修臣汪鏞



資治通鑑卷二百二十四 宋 司馬光 撰

胡三省 音註



紀四十

起梅蒙大荒落閏月盡昭陽赤奮若凡八年有奇

代宗睿文孝武皇帝中之上

永泰元年閏十月乙巳郭子儀入朝子儀以靈武初復

僕固懷恩死始復靈武

百姓彫弊戎落未安請以朔方軍糧使三

原路嗣恭鎮之

軍糧使即糧料使

河西節度使楊志烈既死

楊志

烈死見上表  
廣德二年 請遣使巡撫河西及置涼甘肅瓜沙等州

長史上皆從之 丁未百官請納職田充軍糧

唐制一  
品職分

田十二頃二品十頃三品九頃四品七頃五品六頃六  
品四頃七品三頃五頃八品二頃五頃九品二頃  
皆給百里內之地諸州都督都護親王府官二品十二  
頃三品十頃四品八頃五品七頃六品五頃七品四頃  
八品三頃九品二頃五頃三頃八品二頃九品一頃五  
頃六品三頃五頃七品三頃八品二頃九品一頃五  
十畝三衛中郎將上府折衝都尉六頃中府五頃五十  
畝下府及郎將五頃上府果毅都尉四頃中府三頃五  
十畝下府三頃上府長史別將三頃中府下府二頃五  
十畝親王府典軍五頃五十畝副典軍四頃千牛備身  
備身左右太子千牛備身三頃折衝上府兵曹二頃中府下  
府一頃五十畝外軍校尉一頃二十畝旅帥一頃隊正副八

十畝親王以下又有永業田百頃職事官一品六十頃  
郡王職事官從一品五十頃國公職事官從二品三十  
五頃郡公職事官三品二十五頃縣公職事官從三品二  
十頃侯職事官四品十二頃伯職事官從四品十一頃子職  
事官五品八頃男職事官從五品五頃六品七品二頃五十  
八畝八品九品二頃上柱國三十頃柱國二十五頃上護軍  
二十頃護軍十五頃上輕車都尉十頃輕車都尉七頃  
上騎都尉六頃騎都尉四頃驍騎飛騎尉八十畝雲騎  
武騎尉六十畝散官五  
品以上給同職事官

許之

戊申以戶部侍郎路嗣

恭為朔方節度使

嗣祥吏翻  
使疎吏翻

嗣恭披荊棘立軍府威令

大行 已酉郭子儀還河中

子儀自朝京師還鎮河  
中還從宣反又音如字

初劍南節度使嚴武奏將軍崔旰為利州刺史時蜀中

新亂山賊塞路

塞昔則翻

盱討平之及武再鎮劍南賂山南

西道節度使張獻誠以求盱

利州古苴侯邑秦漢為葭萌之地蜀漢為漢壽縣晉

為晉壽梁為黎州尋又改利州天寶為益昌郡乾元復為利州山南西道巡屬也盱古旦翻

獻誠使

盱移疾自解詣武武以為漢州刺史使將兵擊吐蕃於

西山連拔其數城攘地數百里

漢州漢維縣什方縣竹地唐垂拱立漢州天寶

為德陽郡乾元復為州

武作七寶輦迎盱入成都以寵之武薨

見上

卷四

行軍司馬杜濟知軍府事都知兵馬使郭英幹英

父之弟也與都虞候郭嘉琳共請英父為節度使盱時



為西山都知兵馬使與所部共請大將王崇俊為節度

使會朝廷已除英人英人由是銜之至成都數日即誣

崇俊以罪而誅之召旰還成都旰辭以脩吐蕃未可歸

英人愈怒絕其餽餉以困之旰轉徙入深山英人自將

兵攻之聲言助旰拒守會大雪山谷深數尺

深式禁翻

士馬

凍死者甚衆旰出兵擊之英人大敗收餘兵纔及千人

而還

還從宣翻又音如字

英人為政嚴暴驕奢不恤士卒衆心離

怨玄宗之離蜀也

之離力智翻肅宗至德元載玄宗離成都

以所居行宮為

道士觀

觀古玩翻

仍鑄金為真容英人愛其竹樹茂密奏為

軍營因徙去真容自居之旰宣言英人反不然何以徙

真容自居其處於是帥所部五千餘人襲成都辛巳戰

于城西英人大敗旰遂入成都屠英人家英人單騎奔

簡州

宋白曰簡州漢牛鞞縣地隋仁壽三年分益州之陽安平泉資州之資陽置簡州州有賴簡池因名

普州刺史韓澄殺英人送首於旰邛州牙將栢茂琳瀘

州牙將楊子琳劍州牙將李昌巖

宋白曰邛州漢臨邛縣梁武陵王紀置邛

州取南界邛崃山為名瀘州漢江陽縣梁置瀘州取瀘水為名劍州漢廣漢之梓潼縣梁置安州西魏為始州

唐先天二年改為劍州取劍閣為名峻奴各舉兵討  
刀翻 考異曰唐歷作李昌夔今從實錄

蜀中大亂盱衛州人也 華原令顧繇上言元載子伯

和等招權受賄十二月戊戌繇坐流錦州

宋白曰唐垂拱二年分辰

州麻陽縣地并開山洞置錦州  
舊志錦州至京師三千五百里

自安史之亂國子監

室堂頽壞軍士多借居之祭酒蕭昕上言學校不可遂

廢

大歷元年

是年十一月方改元

春正月乙酉勅復補國子學生

丙戌以戶部尚書劉晏為都畿河南淮南江南湖南荆

南山南東道轉運常平鑄錢鹽鐵等使侍郎第五琦為

京畿關內河東劍南山南西道轉運等使分理天下財

賦周智光至華州

周智光還華州見上卷上年

孟驕橫

橫戶孟翻

召之

不至上命杜冕從張獻誠於山南以避之智光遣兵於

商山邀之不獲智光自知罪重乃聚亡命無賴子弟眾

至數萬縱其剽掠以悅其心

剽匹妙翻

擅留關中所漕米二

萬斛藩鎮貢獻往往殺其使者而奪之二月丁亥朔

釋奠于國子監

唐制中春中秋釋奠于文宣王皆以上丁以祭酒司業博士三獻

命宰

相帥常參官

常參官常朝日常赴朝參者也唐制文官五品以上及兩省供奉官監察御史員外

郎太常博士日參號常參官武官三品以上三日一朝號九參官五品以上及新行當番者五日一朝號六參

官宏文崇文館國子監學生四時參凡諸王入朝及以恩追至者日參其文武官職事九品以上及二王後則

朝朔望而已帥讀曰率下同相息亮翻

魚朝恩帥六軍諸將往聽講

朝直遙翻

將即亮翻

子弟皆服朱紫為諸生朝恩既貴顯乃學講經為

文僅能執筆辨章句遽自謂才兼文武人莫敢與之抗

辛卯命有司修國子監元載專權恐奏事者攻訐其

私載祖亥翻又如字訐居謁翻

乃請百官凡論事皆先白長官長官

白宰相然後奏聞仍以上旨諭百官曰比日諸司奏事

煩多所言多讒毀

比長知兩翻  
毗至翻

故委長官宰相先定其可

否刑部尚書顏真卿上疏以為郎官御史陛下之耳目

尚辰羊翻上時掌翻跡所據翻郎官者尚書省  
曹二十四司郎官御史者御史臺三院御史

今使論

事者先白宰相是自掩其耳目也陛下患羣臣之為讒

何不察其言之虛實若所言果虛宜誅之果實宜賞之

不務為此而使天下謂陛下厭聽覽之煩託為此辭以

塞諫爭之路臣竊為陛下惜之

塞昔則翻爭讀  
曰諍為于偽翻

太宗著

門司式云

唐式三十三篇以尚書省諸曹及秘書太常司農光祿太府太僕少府及監門宿衛計帳

為其其無門籍人有急奏者皆令門司與仗家引奏唐制

門籍流內記官爵姓名流外記年齒狀貌月一易其籍非違解不除無門籍者有急奏則令門司與仗家引奏仗家宿衛五仗之執事者令力丁翻無得關碍所以防壅蔽也天寶以後

李林甫為相深疾言者道路以目上意不下逮下情不

上達蒙蔽喑鳴

史炤曰喑鳴語喑啞不明

卒成幸蜀之禍

卒子恤翻

陵夷

至於今日其所從來者漸矣夫人主大開不諱之路羣臣猶莫敢盡言況令宰相大臣裁而抑之則陛下所聞

見者不過三數人耳天下之士從此鉗口結舌陛下見

無復言者以為天下無事可論是林甫復起於今日也

昔林甫雖擅權羣臣有不諂宰相輒奏事者則託以他

事陰中傷之

復扶又翻  
中竹仲翻

猶不敢明令百司奏事皆先白

宰相也陛下儻不早寤漸成孤立後雖悔之亦無及矣

載聞而恨之奏真卿誹謗乙未貶峽州別駕

峽州夷陵  
郡舊志京

師東南一千一  
百八十八里

已亥命大理少卿楊濟修好於吐蕃

少始照翻好呼到  
翻吐從暇入聲

壬子以杜鴻漸為山南西道劍南



東西川副元帥劍南西川節度使以平蜀亂

崔旰之亂也帥所類

翻使疏吏翻

以四鎮北庭行營節度使馬璘兼邠寧節度

使璘以段秀實為三使都虞候

三使四鎮一也北庭二也邠寧三也

卒有

能引弓重二百四十斤者

考異曰舊傳作能引二十四弓今從段公別傳

犯

盜當死璘欲生之秀實曰將有愛憎而法不一雖韓彭

不能為理璘善其議竟殺之璘處事或不中理

處昌呂翻中竹

仲翻秀實力爭之璘有時怒甚左右戰栗秀實曰秀實罪

若可殺何以怒為無罪殺人恐涉非道璘拂衣起秀實

徐步而出良久璘置酒召秀實謝之自是軍州事皆咨

秀實而後行璘由是在邠寧聲稱殊美

稱尺證翻

癸丑以

山南西道節度使張獻誠兼劍南東川節度使邛州刺

史柏茂琳為邛南防禦使

邛南邛水以南也邛水出嚴道邛崃山入青衣江

以

崔旰為茂州刺史充西山防禦使三月癸未獻誠與旰

戰于梓州獻誠軍敗僅以身免旰節皆為旰所奪夏

五月河西節度使楊休明徙鎮沙州

涼州渝陷故也

秋八月

國子監成丁亥釋奠

記文王世子凡始立學者必釋奠于先聖先師攷之鄭注凡學四時

皆有釋奠釋奠者設薦饌酌奠而已無迎尸以下之事  
記又曰始立學者既饗器用幣然後釋菜不舞不授器  
注云釋菜禮輕也釋奠則舞舞則授器司馬之屬司兵  
司戈司盾祭祀授舞者兵也周禮大胥春入學釋菜合  
舞注云合舞等其進退鄭司農云舍菜謂舞者皆持芬  
香之菜秦漢釋奠無文魏則以太常行事晉宋以學官  
主祭南齊武帝時有司奏釋奠先聖先師禮文又有釋  
菜未詳今當行何禮用何樂時從喻希議用元嘉故事  
設軒懸之樂六佾之舞牲牢器用悉依上公梁及北齊  
車駕視學皆親釋奠唐春秋釋奠三獻皆以學官太宗  
貞觀十四年親釋奠于國學玄宗  
開元十一年詔春秋釋奠用牲牢魚朝恩執易升高座  
講鼎覆餗以譏宰相  
易曰鼎折足覆公餗言三公鼎足  
承君苟非其人則折足而覆亂美  
實錄音桑谷  
翻鼎實也  
王縉怒元載怡然  
考異曰是時縉已留  
東都而得預此會者按

實錄明年二月郭子儀入朝詔元載王縉朝恩謂人曰  
宴於其第然則雖守東都有時朝京師也

怒者常情笑者不可測也 杜鴻漸至蜀境聞張獻誠

敗而懼使人先達意於崔旰許以萬全旰卑辭重賂以

迎之鴻漸喜進至成都見旰但接以溫恭無一言責其

干紀州府事悉以委旰又數薦之於朝因請以節制讓

旰數所以柏茂琳楊子琳李昌巖各為本州刺史上不

得已從之杜鴻漸習知朝廷之務姑息故敢以崔旰等請壬寅以旰為成都尹

西川節度行軍司馬崔旰遷據有西川甲辰以魚朝恩行內

侍監判國子監事中書舍人京兆常袞上言成均之任

當用名儒

五帝名學曰成均垂拱元年改國子監曰成均義取此也尋復其舊常袞謂國子監為成

均亦猶今人言太學為辟雍耳

不宜以宦者領之丁未命宰相以下送

朝恩上

上時掌翻

京兆尹黎幹自南山引澗水穿漕渠入

長安功竟不成

冬十月乙未上生日

開元十四年十月十三日上生

以其日為天興聖節

諸道節度使獻金帛器服珍玩駿馬為壽共

直緡錢二十四萬常袞上言以為節度使非能男耕女

織必取之於人斂怨求媚不可長也

長知兩翻

請却之上不

聽京兆尹第五琦什一稅法民苦其重多流亡十一

月甲子日南至赦改元

改元大歷

悉停什一稅法

行什一稅見上卷上

年

十二月癸卯周智光殺陝州監軍張志斌

斌音彬

智

光素與陝州刺史皇甫溫不協志斌入奏事智光館之

自陝州入奏事道過華州館古玩翻

志斌責其部下不肅智光怒曰僕固

懷恩不反正由汝輩激之我亦不反今日為汝反矣為于

偽翻叱下斬之齧食其肉

史炤曰齧切其肉以食也

朝士舉選人畏智

光之暴多自同州竊過

選須緇翻

智光遣將將兵邀之於路

死者甚衆

將即亮翻

戊申詔加智光檢校左僕射遣中使余

元仙持告身授之智光慢罵曰智光有大功於天下國

家不與平章事而與僕射且同華地狹不足展材若益

以陝虢商鄜坊五州庶猶可耳因歷數大臣過失

數所具翻

且曰此去長安百八十里智光夜眠不敢舒足恐踏破

長安城至於挾天子令諸侯惟周智光能之元仙股慄

郭子儀屢請討智光上不許郭子儀以河中軍食常

乏乃自耕百畝將校以是為差於是士卒皆不勸而耕

是歲河中野無曠土軍有餘糧

史言郭子儀忠勤為國

以隴右

行軍司馬陳少遊為桂管觀察使

桂管領桂昭賀富藤梧潘白廉繡欽橫邕

融柳貴十六州劉昫曰桂管十五州在廣州西桂昭富梧蒙龔潯鬱林平琴賓澄繡象抑融

少遊博

州人也為吏彊敏而好賄

好呼到翻

善結權貴以是得進既

得桂州惡其道遠多瘴癘

惡烏路翻

宦官董秀掌樞密

是後遂以

中官為樞密使

少遊請歲獻五萬緡又納賄於元載子仲武內

外引薦

董秀引薦於內元載引薦於外

數日改宣歙觀察使

宋白曰乾元元年停

來訪使及諸道黜陟使置觀察處置使其年李垣除都督江淮節度宣慰觀察處置使今按李垣之任重矣陳



少遊止觀察一二州或數州其任在節度使下

二年春正月丁巳密詔郭子儀討周智光子儀命大將

渾瑊李懷光軍于渭上智光麾下聞之皆有離心己未

智光大將李漢惠自同州帥所部降於子儀

師讀曰率下同降戶

江壬戌貶智光澧州刺史

宋白曰澧州漢零陽縣地吳立天門郡隋置松州尋改澧

州州在澧水之陽故名舊志州在京師東南一千八百九十三里澧音禮

甲子華州牙將姚

懷李延俊殺智光以其首來獻淮西節度使李忠臣入

朝以收華州為名帥所部兵大掠自潼關至赤水

水經注渭

水東過鄭縣北又東與赤水合

九域志華州鄭縣有赤水鎮 二百里間財富殆盡官

吏有衣紙

衣於既翻

或數日不食者已已置潼關鎮兵二千

人 壬申分劍南置東川觀察使鎮遂州

合東西川見上卷廣德二

年 二月丙戌郭子儀入朝上命元載王縉魚朝恩等

互置酒於其第一會之費至十萬緡上禮重子儀常謂之

大臣而不名郭曖嘗與昇平公主爭言

永泰元年下嫁郭曖事見上卷

曖曰汝倚乃父為天子邪我父薄天子不為公主恚奔

車奏之上曰此非汝所知彼誠如是使彼欲為天子天

下豈汝家所有邪慰諭令歸子儀聞之囚暖入待罪上

曰鄙諺有之

史炤曰鄙諺但俗所傳之言也

不癡不聾不作家翁兒女

子閨房之言何足聽也子儀歸杖暖數十夏四月庚

子命宰相魚朝恩與吐蕃盟于興唐寺

命宰相及魚朝恩也

杜

鴻漸請入朝奏事以崔旰知西川留後

考異曰舊鴻漸傳云鴻漸仍

帥旰同入覲寧傳云鴻漸請旰為行軍司馬仍賜名寧

鴻漸歸遂授寧西川節度使至十四年始入朝實錄亦

無隨鴻漸入朝

事鴻漸傳誤也六月甲戌鴻漸来自成都廣為貢獻因

盛陳利害薦旰才堪寄任上亦務姑息乃留鴻漸復知

政事

復扶又翻

秋七月丙寅以旰為西川節度使杜濟為東

川節度使旰厚斂以賂權貴

斂力贍翻

元載擢旰弟寬至御

史中丞寬兄審至給事中

丁卯魚朝恩奏以先所賜

莊為章敬寺

據舊史章敬寺在通化門外

以資章敬太后冥福

上母吳后

謹章敬

於是窮極壯麗盡都市之財不足用奏毀曲江及

華清宮館以給之

財當作材都市之材謂材木積於都市者長安朱雀街東第五街皇城之

東第三街昇道坊龍華尼寺南有流水屈曲謂之曲江此地秦為宜春苑隄州在漢為樂遊園開元疏鑿遂為勝境其南有紫雲樓芙蓉苑其西有杏園慈恩寺江側菰蒲蔥翠柳陰四合碧波紅蕖依映可愛華清宮見

二百十五卷  
天寶六載

費逾萬億

孔穎達曰億之數有大小二法其小數以十為等十萬為億十

億為兆也其大數以萬為等數萬至萬是萬萬為億又從億而數至萬萬億為兆

衛州進士高

郢上書略曰先太后聖德不必以一寺增輝國家永圖

無寧以百姓為本捨人就寺何福之為又曰無寺猶可

無人其可乎又曰陛下當卑宮室以夏禹為法而崇塔

廟踵梁武之風乎又上書略曰古之明王積善以致福

不費財以求福修德以消禍不勞人以禳禍今興造急

促晝夜不息力不逮者隨以榜笞

榜音彭

愁痛之聲盈於

道路以此望福臣恐不然又曰陛下迴正道於內心求

微助於外物徇左右之過計傷皇王之大猷臣竊為陛

下惜之

為于偽翻

皆寢不報

考異曰郢集前書八月二十五日後書九月十二日上今因

造寺終言之

始上好祠祀未甚重佛元載王縉杜鴻漸為相

三人皆好佛縉尤甚不食葷血

葷臭菜也血者殺六畜而取之好呼到翻與

鴻漸造寺無窮上嘗問以佛言報應果為有無載等奏

以國家運祚靈長非宿植福業何以致之福業已定雖

時有小災終不能為害所以安史悖逆方熾而皆有子

禍謂安慶緒殺祿山史朝義殺思明也僕固懷恩稱兵內侮出門病死回

紇吐蕃大舉深入不戰而退事並見上卷上年此皆非人力所

及豈得言無報應也上由是深信之常於禁中飯僧百

餘人飯扶晚翻有冠至則令僧講仁王經以禳之所謂護國仁王經也

寇去則厚加賞賜胡僧不空官至卿監爵為國公出入

禁閤勢移權貴京畿良田美利多歸僧寺勅天下無得

築曳僧尼造金閣寺於五臺山忻州五臺縣有五臺山釋氏相傳以為文殊道

場注詳鑄銅塗金為瓦所費鉅億鉅億者億億也此言大數之億緡給

中書符牒令五臺僧數十人散之四方求利以營之載

等每侍上從容多談佛事

從千容翻

由是中外臣民承流相

化皆廢人事而奉佛政刑日紊矣

泰七運翻

八月庚辰鳳

翔等道節度使左僕射平章事李抱玉入朝

李抱玉以陳鄭澤潞

鳳翔等道節度使防吐蕃

固讓僕射言辭確至

確堅也固也

上許之癸丑

又讓鳳翔節度使不許丁酉杜鴻漸飯千僧以至蜀

無恙故也

飯扶晚翻

九月吐蕃衆數萬圍靈州遊騎至潘

原宜祿

潘原本古陰盤縣天寶元年更名潘原屬涇州

詔郭子儀自河中帥甲



士三萬鎮涇陽京師戒嚴甲子子儀移鎮奉天

考異曰汾陽

家傳八月十七日吐蕃至涇西二十七日詔統精辛一萬與馬璘合攻之今從實錄實錄甲寅冠靈州乙卯冠

宜祿蓋據奏到

山獠陷桂州逐刺史李良

獠魯皓翻

冬

日今從唐歷

十月戊寅朔方節度使路嗣恭破吐蕃於靈州城下考

異曰唐歷九月吐蕃圍靈武戊申嗣恭破吐蕃按長歷戊申九月一日也今從實錄斬首二千餘

級吐蕃引去十二月庚辰盜發郭子儀父冢捕之不

獲人以為魚朝恩素惡子儀疑其使之

惡烏路翻

子儀自奉

天入朝朝廷憂其為變子儀見上上語及之子儀流涕

曰臣久將兵不能禁暴軍士多發人冢今日及此乃天

譴非人事也朝廷乃安 是歲復以鎮西為安西

改鎮西見

二百二十卷肅宗至德元載復扶又翻

新羅王憲英卒子乾運立

三年春正月乙丑上幸章敬寺度僧尼千人 贈建寧

王使為齊王

使死見二百十九卷至德二載

二月癸巳商州兵馬使

劉洽殺防禦使殷仲卿尋討平之 甲午郭子儀禁無

故軍中走馬南陽夫人乳母之子犯禁

子儀妻封南陽夫人

都虞

候杖殺之諸子泣訴於子儀且言都虞候之橫

字文泰相魏置

虞候都督後世因之置虞候之官撰戶孟翻

子儀叱遣之明日以事語僚佐

而歎息

語牛倨翻

日子儀諸子皆奴材也不賞父之都虞候

而惜母之乳母子非奴材而何 庚子以後宮獨孤氏

為貴妃 三月乙巳朔日有食之 夏四月戊寅山南

西道節度使張獻誠以疾舉從父弟右羽林將軍獻恭

自代

從才用翻

上許之

壬寅西川節度使崔旰入朝 初

上遣中使徵李泌於衡山

泌歸衡山見二百二十卷至德二載

既至復賜

金紫

泌從肅宗於靈武已賜金紫既歸衡山反其初服今復賜之復扶又翻

為之作書院

於蓬萊殿側

蓬萊殿在紫宸殿北蓬萊殿北有太液池池中有蓬萊山為于偽翻下為泌同上

時衣汗衫躡屨過之

汗衫宴居之常服也今通貴賤皆服之惟天子以黃為別矣穀子曰

燕朝衮冕有白紗中單有明衣皆汗衫之象以行祭接神漢高祖與項羽交戰汗透中單改名汗衫貴賤通服

衣音於既翻

自給舍以上

給舍者謂給事中中書舍人皆唐正五品官也及方

鎮除拜軍國大事皆與之議又使魚朝恩於白花屯為

泌作外院使與親舊相見上欲以泌為門下侍郎同平

章事泌固辭

泌眈必翻讓元載按載時已為相何讓之有又曰到

考異曰鄭戾家傳曰固辭以

山四歲而二聖登遐代宗踐阼命中人手詔駙騎徵先公於衡岳先是半年前先公夜遇盜三人為其所拉而

殺之於懸澗及日出乃寤下籍樹葉文餘都無所傷緣  
巖攀蘿而出不敢至舊居山中人初以為仙去及中貴  
將至先公大懼沐浴更衣以俟命乃代宗踐祚之徵也  
疑盜為張后輔國所遣亦竟不知其由按玄宗登遐泌  
雖在山林豈容全不知如家傳所言是代宗纔立即召  
泌也須經幸陝泌豈得全無一言召泌必在幸陝之後  
李繁誤  
記耳  
上曰機務之煩不得晨夕相見誠不若且居密

近何必署勅然後為宰相邪

相息亮翻  
邪音耶

後因端午王公

妃主各獻服玩上謂泌曰先生何獨無所獻對曰臣居  
禁中自巾至履皆陛下所賜所餘惟一身耳何以為獻  
上曰朕所求正在此耳泌曰臣身非陛下有誰則有之

上曰先帝欲以宰相屈卿而不能得

見二百一十八卷  
肅宗至德元載七

月自今既獻其身當惟朕所為不為卿有矣泌曰陛下

欲使臣何為上曰朕欲卿食酒肉有室家受祿位為俗

人泌泣曰臣絕粒二十餘年陛下何必使臣隳其志乎

上曰泣復何益

復扶  
又翻

卿在九重之中欲何之乃命中使

為泌葬二親

重直龍翻使踈吏翻  
為于季翻下又為同

又為泌娶盧氏女為

妻

考異曰鄴侯家傳云永泰元年端午上令泌食肉  
結婚按下文云阿足師竊貳履置紫宸上欲使內人護

燈燭泌曰臣六七年在內又曰況新賜婚上即位至永  
泰纔四年耳又云因此得謗元載遂因魚朝恩事排出

之然則結婚與朝恩誅不相遠今盡因追贈承天言之

資費皆出縣官賜第於光

福坊令泌數日宿第中數日宿蓬萊院上與泌語及齊

王侯欲厚加褒贈泌請用岐薛故事贈太子

令力丁翻侯徒甘翻

岐王範贈惠文太子薛王業贈惠宣太子皆在玄宗朝

上泣曰吾弟首建靈武之

議成中興之業

事見二百一十九卷肅宗至德元載

岐薛豈有此功乎竭

誠忠孝乃為讒人所害卿使尚存朕必以為太弟今當

崇以帝號成吾夙志乙卯制追謚侯曰承天皇帝庚申

葬順陵

謚申至翻順陵在咸陽縣咸陽原侯家傳曰命使自彭原迎喪葬齊陵今從實錄

考異曰鄴

吳順陵

崔旰之入朝也以弟寬為留後

是年四月壬寅崔旰入朝朝直

遙瀘州刺史楊子琳帥精騎數千乘虛突入成都

瀘音盧帥

讀曰率騎奇計翻

朝廷聞之加旰檢校工部尚書賜名寧

校古考翻

尚辰羊翻

考異曰舊傳旰初為杜鴻漸行軍司馬即改名寧今從實錄

遣還鎮

六月壬

辰幽州兵馬使朱希彩經略副使昌平朱泚

使疎吏翻昌平本漢

軍都縣後魏更名昌平縣唐屬幽州泚且禮翻又音此

泚弟滔共殺節度使李懷

仙希彩自稱留後閏月成德軍節度使李寶臣遣將將

兵討希彩為希彩所敗

敗補邁翻

朝廷不得已宥之庚申以



王縉領盧龍節度使丁卯以希彩領幽州留後 崔寬

與楊子琳戰數不利

數所角翻

秋七月崔寧妻任氏出家財

數十萬募兵得數千人帥以擊子琳破之

任音壬帥讀曰率

考異

曰實錄五月子琳襲據成都即日詔寧還成都七月壬申又云子琳寇成都遂據其城寧弟寬破之蓋五月奏據城七月奏破之成功雖因任氏奏時須著寬名故也

子琳走

乙亥王縉如幽

州朱希彩盛兵嚴備以逆之縉晏然而行希彩迎謁甚

恭縉度終不可制

度徒洛翻

勞軍旬餘日而還

勞力到翻還從宣翻又如

字

回紇可敦卒

紇下沒翻卒子恤翻

庚辰以右散騎常侍蕭昕

為弔祭使

散昔重翻騎奇計翻  
斷許斤翻使踈吏翻

回紇庭詰昕曰我於唐

有大功唐奈何失信市我馬不時歸其直昕曰回紇之

功唐已報之矣僕固懷恩之叛回紇助之與吐蕃連兵

入寇逼我郊畿

詰去  
吉翻

及懷恩死吐蕃走然後回紇懼而

請和我唐不忘前功加惠而縱之

事見上卷  
永泰元年

不然匹馬

不歸矣乃回紇負約豈唐失信邪回紇慙厚禮而歸之

丙戌內出孟蘭盆賜章敬寺

釋氏孟蘭盆經目連比  
丘見其亡母在餓鬼中

目連白佛言七月望日當為七代父母及父母在阨難  
中者具百味五果以著盆中供養十方佛然後受食夢

華錄曰中元賣冥器絲衣以竹林三脚如燈窩狀謂之  
孟蘭盆掛冥財衣服在上焚之釋氏要覽曰梵云孟蘭  
此云救倒懸盆陸游曰俗以七月望日具素饌享先織  
竹作盆盛貯紙錢盛以一竹焚之謂之孟蘭盆嗚呼代  
宗為此以七廟設七廟神座書尊號於檐上百官迎謁  
神靈為安在邪

於光順門

閣本大明宮圖光順門在紫宸門之西光順門內則明義殿承歡殿

自是歲以

為常

八月壬戌吐蕃十萬衆寇靈武丁卯吐蕃尚贊

摩二萬衆寇邠州京師戒嚴邠寧節度使馬璘擊破之

吐從暇入聲邠罕昊翻  
使疎利翻璘離珍翻

庚午河東節度使同平章事

辛雲京薨以王縉領河東節度使餘如故 九月壬申

命郭子儀將兵五萬屯奉天以備吐蕃

將即亮翻  
又如字

丁

丑濟王環薨

環玄宗子也  
濟子禮翻

壬午朔方騎將白元光擊

吐蕃破之壬辰元光又破吐蕃二萬衆於靈武

騎奇計  
翻考

異曰實錄戊戌郭子儀奏靈州破吐蕃六萬餘衆百餘  
入賀京師解嚴蓋即壬辰白元光所破也子儀合前後  
所破而鳳翔節度使李抱玉使右軍都將臨洮李晟將  
奏之耳

兵五千擊吐蕃晟曰以力則五千不足用以謀則太多

乃將千人出大震關至臨洮屠吐蕃定秦堡

臨洮洮州  
吐蕃志云

秦土故築堡於洮州以定秦  
為名洮徒刀翻晟承正翻

焚其積聚虜堡帥慕容谷種

而還

帥所類翻還從宣翻又音如字

吐蕃聞之釋靈州之圍而去戊戌

京師解嚴

潁州刺史李岵以事件滑毫節度使令狐

彰

岵古翻忤五故翻

彰使節度判官姚奭按行潁州

行下因代孟翻

岵領州事且曰岵不受代即殺之岵知之因激怒將士

使殺奭與奭同死者百餘人岵走依河南節度使田神

功於汴州

汴皮面翻

冬十月乙巳彰表言其狀岵亦上表自

理上命給事中賀若察往按之

亦上時兩翻實錄十月乙巳

考異曰潁州刺

史李岵殺本道節度判官姚奭及奭之弟岵奔州奔汴  
州本道節度使令狐彰以聞岵亦抗表上聞初岵以公

務為彰所怒因遣奠巡按境內便留知潁州事姑聞之  
遂與親吏潛謀詐為奠書將為廢使將士遺於路中潁  
州守將得之懼乃與姑同謀殺奠詔給事中賀若察使  
于頴按覆唐歷曰十月潁州將士怒殺亳州判官魏奠  
初令狐彰怒潁州刺史李姑遣奠代之且告之曰若姑  
不受替即殺之姑覺之以告將吏怒而殺奠兄弟統紀  
作滑亳州判官姚奠又曰彰表先至遣給事中賀若察  
往滑州宣詔決李姑配流夷州尋賜自盡今姓名從實  
錄統紀事則  
參取諸書  
丁卯郭子儀自奉天入朝朝直十一

月丁亥以幽州留後朱希彩為節度使使踈郭子儀

還河中自奉天入朝回還河中元載以吐蕃連歲入寇

馬璘以四鎮兵屯下寧力不能拒載徂亥翻又如字吐  
從墩入聲璘離珍翻

邠音卑  
星翻

而郭子儀以朔方重兵鎮河中深居腹中無事

之地乃與子儀及諸將議徙璘鎮涇州而使子儀以朔

方兵鎮邠州曰若以邊土荒殘軍費不給則以內地租

稅及運金帛以助之諸將皆以為然十二月己酉徙馬

璘為涇原節度使以邠寧慶三州隸朔方

將即亮翻朔方兵分屯邠

蒲始此

考異曰實錄己酉以吐蕃歲犯西疆增修鎮

守乃以邠寧節度馬璘鎮涇州仍為涇原節度使以邠

寧慶等州隸朔方汾陽家傳四年五月詔集兵於邠郊

六月公自河中遣一萬兵二十八日公如邠州舊子儀

傳時以西蕃寇京師不安馬璘雖在邠州力不能拒

乃以子儀兼邠寧慶節度自河中移鎮邠州徙馬璘涇

原節度使卻志初吐蕃既退諸侯入覲是時馬鎮西以四鎮兼卻寧李公軍澤潞以防秋軍盤屋丞相元公載使人諷諸將使責已曰今四郊多壘中外未寧公執國柄有年矣安危大計一無所聞如之何載曰非所及也他日又言且曰得非曠職乎載莞然曰安危繫於大臣非獨宰臣也先王作兵置之四境所以禦戎狄也今內地無虞朔方兵在河中澤潞軍在盤屋遊軍伺寇不遠京室王畿之外豈假是邪必令損益須自此始故曰非所及也郭李曰宰臣但圖之載曰今若徙四鎮於涇朔方于卻澤潞于岐則內地無虞三邊有備三賢之意何如三公曰惟所指揮既而相謂曰我曹既為所冊得無行乎十二月詔馬公兼領涇原尋以鄭穎資之李公兼領山南猶以澤潞資之郭公兼領卻寧亦以河中資之三將皆如詔朔方軍自此大徙于卻郭公雖連統數道軍之精甲悉聚卻府其它子弟分居蒲靈各置守將以專其令蒲之餘卒稍遷于卻十年之間無遺甲矣段公



別傳曰馬公朝于京師以公掌留事馬公懇奏請以邠寧慶三州讓副帥子儀令以朔方河中之軍鎮之自帥四鎮北庭之衆遷赴涇州將以拓西境代宗壯而許之十二月二日朝廷以馬公為涇原節度使蓋三年立此

議至四年子儀始遷邠今參取諸書璘先往城涇州以都虞候段秀實知

邠州留後璘離珍翻邠早旻翻初四鎮北庭兵遠赴中原之難事

二百十九卷至德元載難乃旦翻久羈旅數遷徙數所角翻四鎮歷汴號鳳

翔北庭歷懷絳廊然後至邠頗積勞獎汴皮面翻廊音夫及徙

涇州衆皆怨誹刀斧兵馬使王童之謀作亂誹數尾翻刀斧兵馬

使領羣期以辛酉旦警嚴而發旦警嚴者將旦嚴鼓以警衆也周禮注謂之發响

令人謂之指點前夕有告之者秀實陽召掌漏者怒之以其失

節令每更來白

掌漏者謂守漏之卒也令力丁翻更工行翻

輒延之數刻遂

四更而曙童之不果發秀實欲討之而亂迹未露恐軍

中疑其寃告者又云今夕欲焚馬坊草因救火謀作亂

中夕大果起秀實命軍中行者皆止坐者勿起各整部

伍嚴守要害童之白請救火不許及旦捕童之及其黨

八人皆斬之下令曰後徙者族流言者刑遂徙于涇

史言

段秀實能弭亂令力丁翻

癸亥西川破吐蕃萬餘衆

吐從曦入聲

平

盧行軍司馬許果

考異曰舊傳作許果今從韓愈順宗實錄

將卒三千人

駐濠州不去有窺淮南意

將即亮翻又如字濠州治鍾離漢當塗縣地隋改濠州因

濠水而名

淮南節度使崔圓令副使元城張萬福攝濠州刺

史果聞即提卒去止當塗

此當塗縣宋屬太平州本漢丹陽縣地按漢書地理志當

塗屬九江郡晉成帝時以江北之當塗縣流人過江者立當塗僑縣遂為實土

是歲上召萬福

以為和州刺史行營防禦使討果萬福至州果懼移軍

上元

按上元楚之金陵秦之秣陵吳之建業江左之建康晉分秣陵置臨江縣太康初又改為江寧至肅

宗上元二年更名

又北至楚州大掠

許果既去濠州南渡江而屯當

塗及張萬福至歷陽逼之又移上淮南節度使韋元甫  
元又自上元渡江而北掠楚州也

命萬福追討之未至淮陰杲為其將康自勸所逐

使疏  
史翻

將即  
亮翻

自勸擁兵繼掠循淮而東萬福倍道追而殺之免

者什二三元甫將厚賞將士萬福曰官健常虛費衣糧

無所事

兵農既分縣官費衣糧以養軍謂之官健猶言  
官所養健兒也按唐六典衛士之外天下諸軍

有健兒舊健兒在軍皆有年限更來往頗為勞獎開元  
二十五年勅以天下無虞宜與人休息自今以後諸軍鎮  
量閑劇利害置兵防健兒於諸色征行人內及客戶中  
召募取丁壯情愿充健兒長住邊軍者每年加常例給  
賜兼給永年優復其家口情願同去者聽至軍州各給田  
地屋宅人賴其利中外獲安永無徵發之役此當時言

兵農已分之利而養兵之  
害卒不可救以至於今

今方立小功不足過賞請用

三分之一

四年春正月丙子郭子儀入朝魚朝恩邀之遊章敬寺

朝直遙翻魚朝恩建章敬寺自以為  
功因子儀入朝請遊之以夸大其事

元載恐其相結密

使子儀軍吏告子儀曰朝恩謀不利於公子儀不聽吏

亦告諸將將士請衷甲以從者三百人

杜預曰衷甲謂  
在衣中從才用

翻下

子儀曰我國之大臣彼無天子之命安敢害我若

受命而來汝曹欲何為乃從家僮數人而往朝恩迎之

驚其從者之約子儀以所聞告且曰恐煩公經營耳朝

恩撫膺捧手流涕曰非公長者能無疑乎長知兩翻壬午

流李岵於夷州

岵侯古翻流岵直在令孤彰也

乙酉郭子儀還河中

朝而還也還從宣翻人如字

辛卯賜李岵死

二月壬申以京兆

之好時鳳翔之麟遊晉潤隸神策軍

時音止

從魚朝恩之

請也楊子琳既敗還瀘州招聚亡命得數千人松江

東下聲言入朝涪州守捉使王守仙伏兵黃草峽

瀘音盧水

經注涪州之西有黃葛峽山高險絕無人居意即此峽也按杜甫詩有黃草峽西船不歸之句注云黃草峽在

涪州之西  
涪音孚

子琳悉擒之擊守仙於忠州守仙僅以身免

子琳遂殺夔州別駕張忠據其城荆南節度使衛伯玉

欲結以為援以夔州許之

使跡吏翻夔州荆南巡屬

為之請於朝

為于

偽陽曲人劉昌裔

舊志前漢陽曲縣唐忻州定襄縣即其地也後漢移陽曲縣于太原界乃

於陽曲古城置定襄縣而太原之陽曲隋開皇六年改為陽直十六年又改為汾陽惡陽曲之名也武德七年

復改為陽曲縣

說子琳遣使詣闕請罪

說式為翻

子琳從之乙巳以

子琳為峽州團練使

峽州夷陵郡

初僕固懷恩死

見上表永泰元

年上憐其有功置其女宮中養以為女回紇請以為可

敦夏五月辛卯冊為崇徽公主嫁回紇可汗壬辰遣兵

部侍郎李涵送之涵奏祠部郎中虞鄉董晉為判官

虞鄉

漢解縣後魏分置虞鄉縣貞觀十七年省解縣併入虞鄉二十年復置解縣而省虞鄉天授二年復分解縣置虞鄉縣屬河中府宋白曰後魏太和九年於今虞鄉縣西十三里置南解縣周明帝廢南解以虞鄉縣屬綏化郡今縣西三十四里綏化故城是也寶定四年改綏化為虞鄉縣周末置解縣於今虞鄉城東於解縣西五十里別置虞鄉縣今邑是也六月丁酉公主辭行至回紇牙帳回紇來

言曰唐約我為市馬既入而歸我賄不足我於使人乎取之涵懼不敢對視晉晉曰吾非無馬而與爾為市為



爾賜不既多乎爾之馬歲至吾數皮而歸資

言不計其生死皆償

馬直也

邊吏請致詰也天子念爾有勞故下詔禁侵犯諸

戎畏我大國之爾與也莫敢校焉爾之父子寧而畜馬

蕃者

畜呼玉翻蕃音煩

非我誰使之於是其衆皆環晉拜

環音宦

既又相帥南面序拜皆舉兩手曰不敢有意大國

此史乃韓

愈狀晉之辭其言容有溢美帥讀曰率

戊申王縉表讓副元帥都統行

營使

辛酉郭子儀自河中遷于邠州其精兵皆自隨

餘兵使裨將將之分守河中靈州

將即亮翻

軍士久家河中

頗不樂徙

樂音洛

往往自郤逃歸行軍司馬嚴郢領留府

悉捕得誅其渠帥衆心乃定

郤卑吳翻郢以并翻帥所類翻

秋九月

吐蕃寇靈州丁丑朔方留後常謙光擊破之河東兵

馬使王無縱張奉璋等恃功驕蹇以王縉書生易之

音縉

晉易以

多違約束縉受詔發兵詣鹽州防秋

鹽州漢五原郡地隋

置鹽州治五原縣今州南抵廢州馬嶺縣北界即漢馬嶺縣地

遣無縱奉璋將步騎三

千赴之奉璋逗遛不進無縱托它事擅入太原城縉悉

擒斬之并其黨七人諸將悍戾者殆盡

將即亮翻又如字騎奇計翻悍

候肝

軍府始安

冬十月常謙光奏吐蕃寇鳴沙首尾

四十里

吐從暇入聲鳴沙縣屬靈州本漢富平縣地

郭子儀遣兵馬使渾瑊

將銳兵五千救靈州子儀自將進至慶州聞吐蕃退乃

還

使疎吏翻將即亮翻瑊古咸翻還從宜翻又如字吐從暇入聲

黃門侍郎同平章

事杜鴻漸以疾辭位壬申許之乙亥薨鴻漸病甚令僧

削髮遺令為塔以葬

令力丁翻遺令力定翻

丙子以左僕射裴

冕同平章事初元載為新平尉

射寅謝翻新平漢上郡之白土縣後漢獻帝置

新平郡至於後魏縣名猶不改西魏置幽州隋開皇四年改曰新平縣因郡以名縣也唐為邠州治所宋白曰

新平漢漆縣地漢建安中分扶風置新平郡姚萇之亂屠廢不立後魏於今縣西南置白土縣屬新平郡隋開皇四年改白土縣為新平縣唐武德以新平縣為州治所

晁常薦之故載舉以為

相亦利其老病易制

易以政翻

受命之際蹈舞仆地載趨而

扶之代為謝詞十二月戊戌晁薨

五年春正月己巳羌酋白對蓬等各帥部落內屬

酋慈由翻

觀軍容宣慰處置使左監門衛大將軍兼神策軍使內

侍監魚朝恩專典禁兵寵任無比

處昌呂翻監古街翻朝直遙翻

上常

與議軍國事勢傾朝野朝恩好於廣座恣談時政

好呼到翻

陵侮宰相元載雖彊辨亦拱默不敢應神策都虞候劉

希暹都知兵馬使王駕鶴皆有寵於朝恩希暹說朝恩

於北軍置獄

左右神策軍左右羽林軍左右龍武軍皆謂之北軍說式為翻相息亮翻暹息廉翻

使坊市惡少年羅告富室誣以罪惡捕繫地牢訊掠取

服

少詩照翻掠音亮

籍沒其家貲入軍并分賞告捕者地在禁

密人莫敢言朝恩每奏事以必允為期朝廷政事有不

豫者輒怒曰天下事有不由我者邪

朝直遙翻邪音耶

上聞之

由是不懌朝恩養子令徽尚幼為內給使衣綠

唐制內給使無

常員屬內侍省凡無官品者號內給使掌諸門進物之歷宋白曰掌諸門進物出物之歷衣於既翻與同

列忿爭歸告朝恩朝恩明日見上曰臣子官卑為儕輩

所陵儕士皆翻乞賜之紫衣上未應有司已執紫衣於前令

徽服之拜謝上強笑曰兒服紫大宜稱心強其兩翻稱尺正翻愈

不平元載測知上指乘間奏朝恩專恣不軌間古翻請除

之上亦知天下共怨怒遂令載為方略朝恩每入殿常

使射生將周皓將百人自衛令力丁翻將即亮翻皓將同又如字又使其

黨陝州節度使皇甫溫握兵於外以為援陝失冉翻度使疎吏翻

載皆以重賂結之故朝恩陰謀密語上一聞之而朝恩

不之覺也辛卯載為上謀

為于偽翻

徒李抱玉為山南西道節

度使以溫為鳳翔節度使外重其權實內溫以自助也

載又請割郿虢寶雞鄠鵽屋隸抱玉

鄠音戶鵽屋音舟室漢志右扶風有

郿虢二縣及晉省虢縣存郿縣後魏於虢縣地置武都

郡西魏置洛邑縣後周置朔州州尋廢隋開皇初廢郡

大業初改洛邑縣為虢縣後魏又於郿縣置平陽周城

二縣西魏改平陽為郿城後周廢入周城縣隋開皇十

八年改周城曰渭濱大業二年改

興平武功天興扶風

曰郿縣唐志二縣皆屬鳳翔府

隸神策軍

興平舊曰始平景龍元年更名金城至德二載更名興平屬京兆府朝恩喜於

得地殊不以載為虞驕橫如故

橫戶孟翻

壬辰加河南尹

張延賞為東京留守罷河南等道副元帥以其兵屬留

守

守式又翻  
帥所類翻

延賞嘉貞之子也

張嘉貞開元中為相

二月戊戌

李抱玉徙鎮鹽屋

徙屯鹽屋以兼統山南

軍士憤怒大掠鳳翔坊

市數日乃定

劉希暹頗覺上意異以告魚朝恩朝恩

始疑懼

暹息廉翻  
朝直遙翻

然上每見之恩禮益隆朝恩亦以此

自安皇甫溫至京師元載留之未遣因與溫及周皓密

謀誅朝恩

考異曰邵志五年春詔以寒食召郭公豐  
年令節思與大臣為樂時欲誅朝恩因喻郭



公朔方一軍有社稷勞宜以功卒數千人入朝朕因宴  
賞得以相識正月郭公以組甲三千人入覲魚朝恩請  
公遊章敬寺公許之丞相元公意其相得使諷邠吏請  
公無往邠吏自中書馳告郭公曰軍容將不利於公亦  
告諸將須臾朝恩使至郭公將行士之裹甲請從者三  
百人願備非常郭公怒曰我大臣也彼非有密旨安敢  
害我若天子之命爾曹胡為獨與僮僕十數人赴之朝  
恩候之驚曰何車騎之省公以所聞對且曰恐勞思慮  
耳軍容撫胷捧手嗚咽雪涕曰非公長者得無疑乎按  
汾陽家傳子儀五月入朝七月至汾州或是四年正月  
入朝時事於時未有誅朝恩之謀今不取家傳又曰三  
月公上言魚朝恩潛結周智光為外應久掌禁兵若不  
早圖禍將作

既定計載白上上曰善圖之勿反受禍三

月癸酉寒食

荆楚歲時記冬至後一百四日一百五日  
斷火謂之寒食初學記曰琴操

晉文公與介子綏俱亡文公復國子綏無所得作龍蛇之歌而隱文公求之不肯出乃燔左右木子綏抱木而死文公哀之令人五月五日不得舉火又周舉移書魏武明罰令陸翹鄴中記並云寒食斷火起於子推琴操所云子綏即推也又云五月五日與今有異皆因流俗所傳按左傳及史記並無子推被焚之事然周禮司烜氏仲春以木鐸修火禁於國中注云為季春將出火也今寒食準節氣是仲春之末清明是三月之初然則禁火並周制也

上置酒宴貴近於禁中載守中書省宴罷朝恩將還營上留之議事因責其異圖朝恩自辨語頗悖慢

皓與左右擒而縊殺之

載組亥翻又如字朝直遙翻還從宣翻又音如字悖蒲妹翻又

蒲沒翻縊於賜翻又於計翻考異曰實錄是日初詔罷朝恩觀軍容等使更加實封留于禁中朝恩既奉詔

知負恩乃自縊又曰載遣腹心京兆尹崔昭等候朝恩出處會寒食宴近臣朝恩入謁有詔留之朝恩乃懼言頗悖戾上以舊恩矜貸不加嚴刑朝恩遂自縊新傳曰載用左常侍崔昭尹京兆厚以財結其黨皇甫溫周皓按實錄去年十一月乙卯孟暉為京兆尹今年三月辛卯為左常侍未嘗言崔昭為京兆也奉詔自縊殆非其實新傳云周皓與左外無知者上下詔罷朝恩觀軍容右擒縊之今從之

等使內侍監如故詐云朝恩受詔乃自縊以尸還其家賜錢六百萬以葬丁丑加劉希暹王駕鶴御史中丞以

慰安北軍之心丙戌赦京畿繫囚命盡釋朝恩黨與且

曰北軍將士皆朕爪牙並宜仍舊

使疏吏翻還息廉翻將即亮翻

朕今

親御禁旅勿有憂懼 已丑罷度支使及關內等道轉

運常平鹽鐵使其度支事委宰相領之

度徒洛翻相息亮翻

勅

皇甫溫還鎮于陝

既誅魚朝恩不復以溫鎮鳳翔陝失冉翻

元載既誅魚

朝恩上寵任益厚載遂志氣驕溫每衆中大言自謂有

文武才略古今莫及弄權舞智政以賄成僭侈無度吏

部侍郎楊綰典選平允

選須綰翻

性介直不附載嶺南節度

使徐浩貪而佞傾南方珍貨以賂載載以綰為國子祭

酒引浩代之浩越州人也載有丈人自宣州來

據顏師古漢書

音義丈人尊老之稱蓋父執也

從載求官載度其人不

載祖亥翻又如字使疏吏翻

足任事

度徒洛翻但贈河北一書而遣之丈人不悅行至幽

州私發書視之書無一言惟署名而已丈人大怒不得

已試謁院僚

院僚使院僚屬也

判官聞有載書大驚

判官節度判官

立

白節度使遣大校以箱受書館之上舍

校戶教翻館工喚翻

留宴

數日辭去贈絹千匹其威權動人如此

夏四月庚子

湖南兵馬使臧玠殺觀察使崔灌澧州刺史楊子琳起

兵討之取賂而還

澧音禮楊子琳自陝州遷澧州還從宣翻又音如字

涇原節

度使馬璘屢訴本鎮荒殘無以贍軍

璘離珍翻

上諷李抱玉

以鄭潁二州讓之乙巳以璘兼鄭潁節度使 庚申王

緡自太原入朝

緡音晉朝直遙翻

癸未以左羽林大將軍辛

京杲為湖南觀察使 荆南節度使衛伯玉遭母喪六

月戊戌以殿中監王昂代之伯玉諷大將楊鉢等拒昂

留已

鉢十律翻

甲寅詔起復伯玉鎮京南如故

秋七月京

畿饑

唐以京兆同華商邠岐為京畿

米斗千錢

劉希暹內常自疑

希暹

黨附魚朝恩朝恩死故常自疑

遲昔廉翻 有不遜語王駕鶴以聞九月辛未

賜希暹死 吐蕃寇永壽

吐從暉入聲永壽縣屬邠州古邠地漢為漆縣唐武德分

新平置永壽

冬十一月郭子儀入朝

郭子儀自邠入朝

上悉知

元載所為以其任政日久欲全始終因獨見深戒之載

猶不悛上由是稍惡之

載祖亥翻又音如字見賢遍翻惡烏路翻

載以李泌

有寵於上忌之言泌常與親故宴於北軍與魚朝恩親

善宜知其謀上曰北軍泌之故吏也

李泌從肅宗自靈武至鳳翔軍謀大

事泌皆預決故言北軍將校皆其故吏泌必翻

故朕使之就見親故朝恩之

誅泌亦預謀卿勿以為疑載與其黨攻之不已會江西

觀察使魏少遊求參佐上謂泌曰元載不容卿朕今匿

卿於魏少遊所

少詩照翻

俟朕決意除載當有信報卿可束

裝來乃以泌為江西判官

江西觀察判官

且屬少遊使善待之

屬之欲翻

六年春二月壬寅河西隴右山南西道副元帥兼澤潞

山南西道節度使李抱玉上言

帥所類翻使疏吏翻上時兩翻

凡所掌

之兵當自訓練今自河隴達於扶文綿亘二千餘里撫

御至難若吐蕃道岷隴俱下

吐從職入聲言蕃兵入寇分道向岷隴二州而下



臣保固汧隴則不救梁岷進兵扶文則寇逼關輔首尾

不贍進退無從願更擇能臣委以山南使臣得專備隴

坻詔許之

汧口堅翻  
坻音底

郭子儀還邠州

還從宣翻  
又音如字

嶺

南蠻酋梁崇牽自稱平南十道大都統據容州

酋慈由  
翻統他

綜翻俗音從上聲容州治普寧縣  
漢合浦縣地因州西有容山而名

與西原蠻張侯夏永

等連兵攻陷城邑前容管經略使元結等皆寄治蒼梧

容管領辨白牢欽禺湯壤巖古等州在桂管西南  
武德四年分靜州之蒼梧豪靜置梧州酋慈由翻

經略

使王翊至藤州

翊戶  
宏翻

以私財募兵不數月斬賊帥歐陽

珪馳詣廣州見節度使李勉請兵以復容州

嶺南節度使治廣州

無統五管故詣之請兵帥所類翻

勉以為難翊曰大夫如未暇出兵但

乞移牒諸州揚言出千兵為援冀藉聲勢亦可成功勉

從之翊乃與義州刺史陳仁瓘

宋白曰義州即漢蒼梧郡猛陵縣地隋為永熙

郡永業縣唐武德四年於此置南義州天寶改為連城郡乾元後為義州瓘七罪翻

藤州刺史李

曉庭等結盟討賊

藤州治鍾津縣漢之猛陵縣也

翊募得三千餘人破

賊數萬衆攻容州拔之擒梁崇牽前後大小百餘戰盡

復容州故地分命諸將襲西原蠻

新書西原蠻居廣容之南邕桂之西北接

道州武岡依阻峒穴綿  
地數千里將即亮翻

復鬱林等諸州先是番禺賊帥

馮崇道

先昔薦翻番禺漢縣唐帶廣州番山在州東桂三百步禺山在北一里因以名縣番禺音潘

州叛將朱濟時皆據險為亂陷十餘州官軍討之連年

不克李勉遣其將李觀與胡併力攻討悉斬之

觀古三玩翻

月五嶺皆平

河北旱米斗千錢

夏四月己未澧州

刺史楊子琳入朝上優接之賜名猷

澧音禮朝直遙翻

庚申以

典內董秀為內常侍

唐百官志太子內坊局令從五品下初內坊隸東宮開元二十七年

隸內侍省為局改典內曰令置丞掌坊事及導客內常侍正五品下

吐蕃請和庚辰遣

兼御史大夫吳損使于吐蕃

吐從瞰入聲  
使踈吏翻

成都司錄

李少良上書言元載姦賊陰事

少始照翻上時掌翻  
載祖亥翻又如字

上

置少良於客省少良以上語告友人韋頌殿中侍御史

陸珽以告載載奏之上怒下少良頌珽御史臺獄御史

奏少良頌珽凶險比周離間君臣

下遐駕翻少時照翻  
珽它頂翻毗至翻

間古  
覓翻五月戊申勅付京兆皆杖死

秋七月丙午元載

奏凡別勅除文武六品以下官乞令吏部兵部無得檢

勘從之時載所奏擬多不遵法度恐為有司所駁故也

戴祖玄翻又音如字駁比角翻

八月丁卯淮西節度使李忠臣將兵

二千屯奉天防秋

使疏吏翻將即亮翻又音如字秋高馬肥吐蕃數入寇唐歲調關東之兵

屯京西以防之謂之防秋

上益厭元載所為思得士大夫之不阿

附者為腹心漸收載權丙子內出制書以浙西觀察使

李栖筠為御史大夫宰相不知載由是稍絀

相息亮翻絀勅律翻

九月吐蕃下青石嶺軍于那城

青石嶺在原州西那城即漢朝那故城在

原州花石川郭子儀使人諭之明日引退

是歲以尚

書右丞韓滉為戶部侍郎判度支自兵興以來所在賦

斂無度

尚辰羊翻度徒洛翻斂力瞻翻

倉庫出入無法國用虛耗澁為

人廉勤精於簿領作賦斂出入之法

澁呼廣翻

御下嚴急吏

不敢欺亦值連歲豐穰邊境無寇自是倉庫蓄積始充

澁休之子也

韓休開元中為相有直聲而澁以彊幹聞

七年春正月甲辰回紇使者擅出鴻臚寺

唐鴻臚寺在朱雀街西第

二街北來第一坊又北即西內宮城紇下沒翻

掠人子女所司禁之毆擊

所司以三百騎犯金光朱雀門

騎奇計翻金光門長安城西面中門朱雀門宮

城南是日宮門皆閉上遣中使劉清潭諭之乃止

使疏翻

三月郭子儀入朝丙午還邠州

朝直遙翻還從宣翻又音如字邠卑旻翻

夏四月吐蕃五千騎至靈州尋退

吐從瞰入聲騎奇計翻

五

月乙未赦天下

秋七月癸巳回紇又擅出鴻臚寺

紇下

沒翻臚陵如翻

遂長安令邵說至金光門街

西內宮城之外為皇城南面三門西

為金光門說讀曰悅

奪其馬說乘它馬而去弗敢爭

盧龍節度

使朱希彩既得位悖慢朝廷殘虐將卒孔目官李懷瑗

因衆怒伺間殺之

使疏吏翻悖蒲妹翻又蒲沒翻朝直遙翻將即亮翻伺相吏翻間古覓翻

朱希彩殺李懷仙自立事見上卷三年瑗于絹翻

衆未知所從經略副使朱泚

營於城北其弟滔將牙內兵潛使百餘人於衆中大言

曰節度使非朱副使不可衆皆從之泚遂權知留後遣

使言狀

泚且禮翻又音此將即亮翻

冬十月辛未以泚為檢校左常

侍幽州盧龍節度使

左常侍左散騎常侍也

十二月辛未置永

平軍於滑州

八年春正月昭義節度使相州刺史薛嵩薨子平年十

二將士脅以為帥平偽許之既而讓其叔父寧

相息亮翻帥所

類翻寧

夜奉父喪逃歸鄉里壬午制以寧知留後二

五各翻



月壬申永平節度使令狐彰薨彰承滑毫離亂之後治

軍勸農府廩充實

治直之翻

時藩鎮率皆跋扈獨彰貢賦未

嘗闕歲遣兵三千詣京西防秋自齎糧食道路供饋皆

不受所過秋毫不犯疾亟召掌書記高陽齊映

高陽漢縣屬涿

郡唐屬瀛州

與謀後事映勸彰請代人遣子歸私第彰從之

遺表稱昔魚朝恩破史朝義欲掠滑州臣不聽由是有

隙及朝恩誅值臣寢疾以是未得入朝生死愧負臣今

必不起倉庫畜牧先已封籍軍中將士州縣官吏按堵

待命

將即亮翻  
朝直遙翻

伏見吏部尚書劉晏工部尚書李勉可

委大事願速以代臣臣男建等今勒歸東都私第彰薨

將士欲立建建誓死不從舉家西歸三月丙子以李勉

為永平節度使 吏部侍郎徐浩薛邕皆元載王縉之

黨浩妾弟戾莫陳愬為美原尉

載祖亥翻又如字縉音  
晉愬芳俱翻咸亨二年

分富平華原及同州之蒲  
城以故土門縣置美原縣

浩屬京兆尹杜濟虛以知驛

奏優

奏優者言郵驛往來供給車馬薪芻糧  
用皆無關之優於餘縣也屬之欲翻

又屬邕擬

長安尉愬參臺御史大夫李栖筠劾奏其狀

筠俞輪翻  
劾戶蓋翻

又戶  
得翻  
勅禮部侍郎萬年于劾等按之劾奏邕罪在赦前

應原除上怒夏五月乙酉貶浩明州別駕邕歙州刺史

丙戌貶濟杭州刺史劾桂州長史朝廷稍肅

明州京師東南四千

一百里歙州京師東南三千六百六十七里杭州京師東南三千五百五十六里桂州京師水陸路四千七百

六十里歙音攝杭戶剛翻長知兩翻

考異曰實錄云

侯莫陳恂為羨原尉舊李栖筠傳云華原尉侯莫陳恂

以主郵傳優改長安尉又曰栖筠劾奏皓等上依違未

決屬月蝕上問其故對曰臣聞日蝕修德月蝕修刑今

誣上行私之罪未理此天之所以儆戒於明聖由是感

寤坐愆者皆貶謫自此朝綱益振百度肅然按己丑月

乃食於未時

辛卯鄭王邕薨贈昭靖太子邕上

次

也今不取

回紇自乾元以來歲求和市每一馬易四十縑動至數萬匹馬皆驚瘠無用朝廷苦之所市多不能盡其數回紇待遣繼至者常不絕於鴻臚至是上欲悅其意命盡市之秋七月辛丑回紇辭歸載賜遺及馬價共用車千

餘乘

遣惟季翻  
乘承正翻

八月己未吐蕃六萬騎寇靈武踐秋

稼而去

考異曰汾陽家傳八月吐蕃五千騎至靈州南士紹渠公遣溫儒雅後政等連兵救之九月

大破之今  
從實錄

辛未幽州節度使朱泚遣弟滔將五千精

騎詣涇州防秋自安祿山反幽州兵未常為用滔至上

大喜勞賜甚厚

勞力到翻

壬申回紇復遣使者赤心以馬

萬匹來求互市

復扶又翻

九月壬午循州刺史哥舒晃殺

嶺南節度使呂崇賁據嶺南反 癸未晉州男子郇模

郇須倫翻古國名後世以國為姓

以麻辨髮持竹筐葦席哭於東市人

問其故對曰願獻三十字一字為一事若言無所取請

以席裹尸貯筐中棄於野京兆以聞上召見賜新衣館

於客省

時於右銀臺門置客省或四方奏計未遣者上書言事忤旨者及蕃客未報者皆館於其中常

數百人館古玩翻

其言團者請罷諸州團練使也監者請罷諸

道監軍使也

監古街翻

魏博節度使田承嗣為安史父子

立祠堂謂之四聖

為于偽翻

且求為相上令內侍孫知古因

奉使諷令毀之冬十月甲辰加承嗣同平章事以褒之

靈州破吐蕃萬餘衆吐蕃衆十萬寇涇邠郭子儀遣

朔方兵馬使渾瑊將步騎五千拒之庚申戰於宜祿

宋白

曰宜祿本漢鶡觚縣地後魏熙平二年分鶡觚縣置東陰盤縣廢帝元年以縣南臨宜祿川改為宜祿縣九域

志宜祿在邠州西六十里考異曰實錄作甲子蓋奏到之日也邠志云十八日與唐歷合今從之瑊登

黃萑原

萑音倍黃萑草名蓋以地多黃萑因以名原

望虜

句斷命據險布拒馬

以備其馳突宿將史抗溫儒雅等意輕瑊不用其命瑊

召使擊虜則已醉矣見拒馬曰野戰烏用此為命撤之

叱騎兵衝虜陳不能入而返

陳諸曰陣

虜躡而乘之官軍大

敗士卒死者什七八居民為吐蕃所掠千餘人甲子馬

璘與吐蕃戰于鹽倉又敗

鹽倉在涇州城西

考異曰

節度使馬公襲之郭公使其將渾瑊率步騎五千為之

犄角十八日師登黃萇原

望見吐蕃瑊急引其衆前據

乘險仍設拒馬槍以遏馳突之勢史抗溫儒雅等宿將

五六人任氣自負輕侮都將

置酒高飲使人召之至則

皆醉矣見拒馬槍曰野地見賊須擊設此何為命去之

戎衆既陳抗等叱馬軍使馳賊及回自衝其軍吐蕃躡

背而入我師大敗卒之不死者什二三汾陽家傳十月吐蕃四節度歷涇川過閭川南於渭河合軍公遣渾瑊等前後相接以待之二十四日大戰于長武城我師敗績瑊等突出乃免唐歷十八日吐蕃寇邠州瑊與戰于宜祿官軍大敗二十二日馬瑋出兵擊之又敗二十七日己巳瑋遣軍所吐蕃營破之二十八日庚午詔追諸道兵屯西郊十一月一日吐蕃退段公別傳曰八年冬十月二十三日犬戎入寇大戰于鹽倉我軍與朔方兵馬使渾瑊之衆併力齊攻防秋諸軍望賊而退於是我師不利今日從邠志唐歷段公家傳事從實錄舊傳兼采諸書

瑋為虜所隔逮暮未還涇原兵馬使焦令諶等與

敗卒爭門而入或勸行軍司馬段秀實乘城拒守秀實曰大帥未知所在當前擊虜豈得苟自全乎召令諶等



讓之曰軍法失大將麾下皆死諸君等其死邪令諶等

惶懼拜請命

帥所類翻將即亮翻

秀實乃發城中兵未戰者悉出

陳於東原

陳讀曰陣

且收散兵為將力戰狀吐蕃畏之稍却

既夜璘乃得還郭子儀召諸將謀曰敗軍之罪在我不

在諸將然朔方兵精聞天下

聞音問

今為虜敗何策可以

雪恥

敗補賣翻

莫對渾瑊曰敗軍之將不當復預議

復扶又翻下同

然願一言今日之事惟理瑊罪

理治也

不則再見任

不讀曰否

子儀赦其罪使將兵趣朝那虜既破官軍欲掠汧隴鹽

州刺史李國臣曰虜乘勝必犯郊畿我掎其後虜必返

顧乃引兵趣秦原

括地志曰秦州清水縣有秦亭秦谷非子所封地也趣七喻翻

鳴鼓

而西虜聞之至百城返

百城即涇州靈臺縣之百里城

渾瑊邀之於隘

盡復得其所掠馬璘亦出精兵襲虜輜重于潘原

重直用翻

殺數千人虜遂遁去

乙丑以江西觀察使路嗣恭討

哥舒翰

初元載嘗為西州刺史知河西隴右山川形

勢是時吐蕃數為寇

數所角翻

載言於上曰四鎮北庭既治

涇州無險要可守隴山高峻南連秦嶺

秦嶺即商嶺

北抵大

河今國家西境盡潘原而吐蕃戍摧沙堡原州居其中

間當隴山之口其地皆監牧故地草肥水美平涼在其

東唐原州治古高平當隴道之要漢光武取隴右先降高峻而後可以威隄囂赫連勃勃據高平乘間以窺

隴東嶺北得以病姚興誠要害之地也平涼縣屬原州西南即隴山之六盤關獨耕一縣可給

軍食故壘尚存吐蕃弃而不居每歲盛夏吐蕃畜牧青

海去塞甚遠若乘間築之間古覓翻二旬可畢移京西軍戍

原州移郭子儀軍戍涇州為之根本分兵守石門木峽

原州西南有木峽關州境又有石門關漸開隴右進達安西據吐蕃腹心

則朝廷可高枕矣并圖地形獻之密遣人出隴山商度

功用

枕職任翻  
度徒洛翻

會汴宋節度使田神功入朝上問之對

曰行軍料敵宿將所難陛下奈何用一書生語欲舉國

乎載尋得罪事遂寢

為後楊炎復議  
城原州張本

有司以回



心馬多請市千匹郭子儀以為如此逆其意太甚


自請輸一歲俸為國市之

為于  
偽翻

上不許十一月戊子命

市六千匹

資治通鑑卷二百二十四



總校官庶吉士臣侍朝

校對官檢討臣龔大萬

謄錄監生臣甄輔廷